

儀  
禮  
節  
解

儀禮節解卷九

郝敬習

公食大夫禮第九

此諸侯食小聘大夫之禮。聘記曰：公於賓壹食，再饗。上介壹食，壹饗。又曰：小聘其禮如爲介。蓋大聘使卿，小聘使大夫。公於卿爲苟敬，於大夫爲賓。篇內六豆六簋等，皆大夫禮。故別云上大夫八豆八簋以明六之爲下也。食禮獨以小聘言，義互見。

公食大夫之禮，使大夫戒，各以其爵。上介出請入告，三辭。賓出拜辱，大夫不答拜。將命，賓再拜稽首，大夫還賓。

不拜送遂從之賓朝服卽位于大門外如聘卽位

此始戒賓使本國大夫告賓于館各以其爵敵者往通上下大夫言敵則易相親也上介出請請戒使所事入告告賓也三辭賓辭也拜辱拜戒使來辱大夫卽戒使不答拜爲人使不敢承其禮也將命致君食賓之命賓再拜稽首受命也大夫還復君命也賓不拜送遂行也遂從之急趨命也朝服卽皮弁服卽位于大門外卽次也如聘卽位如聘時廟門外接西塾立也

按鄭謂賓初玄端服入次更朝服以朝服玄端爲二

非也。又以如聘爲句，卽位連下具字讀，亦非也。

具

句

羹定

句

甸人

陳鼎七

當門

南面

西上

設局

簠

簋

若

束

若編

設洗

如饗

小臣

具槃

匱

移

在東

堂下

宰夫

設筵

加席

几

無尊

句

飲酒

句

漿飲

句

俟于

東房

凡宰

夫之具

饌

于東

房

此

陳器具

也

具

卽下文

宰夫之具

羹定

肉熟也

甸人

供

內外

饗之

薪蒸者

陳鼎

于大

門外

七

一

大牢

無鮮

魚

鮮腊也

詳聘

禮當

門

當大

門中

南面

君禮

也

西上

自

西陳

而東

也

局

鼎鉉

以受

扛移

鼎者

置鼎

蓋以繩

束

簠

編

聯于

鼎

鼎在

外

防閉

欲固

也

設洗

不可考。而燕禮洗設于阼階東南。饗亦當然。漿以盥手。匭以沃水。供君盥。故小臣具之在東堂下。與洗近也。設筵于室戶牖間。南面。饌曰筵。坐曰席。依曰几。不設酒尊。禮主食也。飲酒飲賓之酒。非獻酬也。漿飲如周禮漿人之六。飲食飯必歡飲。皆待于東房。凡宰夫之具。食品皆是。

按鄭謂甬若束若編以茅爲甬。無据。

公如賓服。迎賓于大門內。大夫納賓。賓入門左。公再拜。賓辟。再拜稽首。公揖入。賓從。及廟門。公揖入。賓入。三揖。至于階。三讓。公升二等。賓升。大夫立于東夾南。西面北。

上士立于門東北面西上小臣東堂下南面西上宰東  
夾北西面南上內官之士在宰東北西面南上介門西  
北面西上公當楣北鄉至句再拜賓降也公再拜賓西  
階東北面答拜擯者辭句拜也公降一等辭曰寡君從  
子雖將拜興也賓栗階升不拜命之成拜句階上北面  
再拜稽首

此迎賓也公如賓服亦皮弁朝服也不出大門禮降  
也賓入門左賓位也入廟門禮行于廟也大夫士謂  
本國大夫士東夾東廂房向西也南謂立東夾西之  
南北上自北序立而南也士立門東北面西上小臣

立東堂下南面西上皆相君迎賓賓由西南入也宰  
大宰東夾北大夫立之北也內官之士小臣之屬在  
宰東北西面立近堂東侍御之屬近君也此以上皆  
先入卽位迎賓君與賓西南入故皆西面南上介門  
西北面者三介先賓入及賓升堂三介仍立門西以  
次而東也當相當兩楹間至拜賓至公一拜賓降西  
階避公又拜所謂再拜也賓西階下答拜以臣禮答  
也擯者辭辭拜下也賓拜不止公乃降東階一等寡  
君從子賓栗階俱解見前篇賓升不拜階下拜成也  
君命拜不受拜下之禮也北面再拜稽首從君命也

○按鄭謂夾室向南据尚書顧命西夾席南向聘禮  
東西夾設饗亦南向而此大夫與宰堂下之位當東  
夾室之南北則夾室在堂東傍非南向可知蓋夾室  
東西相向而陳設統于堂也

士舉鼎去甬於外句次入陳鼎于碑南南面西上右人  
抽局坐奠于鼎西句南順出自鼎西句左人待載雍人  
以俎入陳于鼎南旅人南面加七于鼎退大夫長盥洗  
東南西面北上序進盥退者與進者交于前卒盥序進  
南面七載者西面魚腊飪載體進奏魚七縮俎寢右腸  
胃七同俎倫膚七腸胃膚皆橫諸俎垂之大夫既七七



奠于鼎逆退復位

此鼎入載俎也。士謂有司之屬舉鼎謂扛鼎入去鼎去鼎蓋外大門外。次入依門外之次在西者先入也。碑在堂下庭中。七鼎陳于碑南皆南向如門外之次西上上賓也。首牛次羊豕魚等橫陳而東。右人左人謂二人共舉鼎前者在西爲右後者在東爲左。鼎旣陳右一人自西抽局委于鼎西向南遂西出左一人立鼎東待升肉載俎也。雍與饗同旅人卽饗人之屬俎載鼎肉熟于鼎載于俎故雍人以俎入陳于各鼎南旅人南面立于鼎北七削木爲匙以取肉于鼎也。

大夫操七載肉者言長非一人也將七盥手洗在阼階東南直堂東雷大夫立東夾南夾在序外立當洗東南故向西盥手北上序進謂在北立者先盥盥卒仍退立進者與退者交于所立位之前皆盥畢序進碑南鼎北南向操七舉肉而左人待載者立鼎東西面執俎以載也魚乾魚腊乾禽飪熟也魚腊與三牲皆熟于鼎食禮無腥鼎也載體以下載俎之法體牲體奏腩同皮也魚七七尾縮俎順俎橫設也寢右魚臥俎上首向右也腸胃牛羊腸胃各七四七二十八同一俎禮鼎俎奇故七純肉曰膚割正曰倫橫諸俎

直陳之垂長而垂也。此以上皆熟于鼎七載之俎者。  
大夫逆退謂先進者後退復位復東夾南之位。

公降盥賓降公辭卒盥公壹揖壹讓公升賓升宰夫自  
東房授醢醬公設之賓辭北面坐遷而東遷所句公立  
于序內西鄉賓立于階西疑立宰夫自東房薦豆六設  
于醬東西上韭菹以東醢醢昌本昌本南麋麋以西菁  
菹鹿麋士設俎于豆南西上牛羊豕句魚在牛南句腊  
腸胃亞之句膚以爲特句旅人取匕句人舉鼎順出奠  
于其所宰夫設黍稷六簋于俎西二以并句東北上黍  
句當牛俎其西稷錯以終句南陳句大羹湑不和實于

鐙宰右執鐙左執蓋由門入升自阼階。蓋階不升堂授公。句以蓋降出。句入反位。公設之于醬西。賓辭坐遷之。宰夫設鉶四于豆西。東上。句牛以西。羊南。豕豕以東。句飲酒實于觶。加于豐。宰夫右執觶左執豐進設于豆東。宰夫東面坐。啓簋會。句各卻于其西。

此設正饌也。公降盥。將設醢醬。降東階下盥手。首設醢醬。饌以醢醬爲主也。宰夫由東房出以授公于戶牖間。公南面設于賓席。賓辭辭。公親也。公立設。賓跪遷之。醢醬宜居東。賓爲遷于其所不敢煩公也。公旣設醢醬退立東序內。阼階上少東也。不當阼示親饌。

饌東出也。賓立西階上。少西。亦序內東向。疑立不敢  
正對君也。周禮醢人八豆。此用韭菹等六。醬東。醬與  
醢同處。席北而六豆當醬之東南。別爲二列。西上者  
起西北。終西南。西韭菹。韭菹東醢醢。醢醢東昌本。昌  
本屈而南。麋醢。麋醢西菁菹。菁菹西鹿醢。鹿醢北接  
韭菹也。士宰夫之屬俎。卽前大夫七載之俎。俎七設  
于六豆南。南北二列。始西北牛俎。牛俎東羊俎。羊俎  
東豕俎。北一列也。又西南魚俎。當牛俎之南。魚俎東  
乾腊。乾腊東腸胃。北與豕對。此南一列也。二三并六  
惟膚俎接腸胃東。獨設無并。曰特。俎旣陳。移空鼎出。

旅人取鼎上七甸人舉鼎順西出奠于大門外初陳  
當門之所也黍稷炊黍稷爲飯盛以六簋陳俎西食  
主穀西爲上也二以并兩兩相對爲二列東北上黍  
當牛俎之西黍西稷稷西又黍交錯以終此北三簋  
終一列也南陳者東南稷稷西黍黍西又稷此南三  
簋又終一列也大羹滂牛肉汁也不和無滋味也鐙  
瓦豆牛汁不和盛以瓦器貴質也大宰奉之公親設  
重也右手執鐙左手執蓋合蓋執之旣升授後啓也  
由門入爨在廟門外也反位大宰反東夾北西面之  
位醬西醬在六豆北大羹設于醬之西賓辭公親

也坐遷跪而遷于其所也大羹之所卽醬西公設未定賓安置不敢勞公也鉶小鼎盛鉶羹和牲肉爲陪鼎所謂腳臠臠又謂羞鼎凡四牛二羊豕各一設當六豆西六簋北也東上接豆爲兩列自東而西東北牛牛西羊羊南豕豕東又牛二牛對也飲酒卽前俟于東房之飲酒至是實解加于豐上宰夫舉以設于豆東蓋饌以西爲上觶以右爲飲于豆東食不主飲也簋會簋蓋設則合之避風塵也至是啓會卻于簋西空處云各者六簋六蓋也下而仰曰卻六簋二列每列三蓋合而卻之各置于西

贊者負東房南面告具于公公再拜揖食賓降拜公辭  
賓升再拜稽首賓升席坐取韭菹以辯孺于醢句上豆  
之間祭句贊者東面坐取黍實于左手辯又取稷辯反  
于右手興以授賓賓祭之三牲之肺不離句贊者辯取  
之壹以授賓賓興受坐祭扱手扱上鉶以柶辯孺之上  
鉶之間祭祭飲酒於上豆之間魚腊醬醢不祭

此賓祭正饌贊者負東房背房戶立告具告正饌備  
也公立東序內正當房戶東南贊者南面告公揖食  
揖賓進食韭菹醢醢居上列爲上豆辯徧通孺搯也  
以韭菹徧搯于諸醢內合羣味以祭卽奠于韭菹醢



醢之北祭先食也賓自坐取菹醢近也贊者取黍稷授遠也東面坐簋西地空也實于左手反于右手授便也六簋徧取合祭也周人祭肺用所勝也凡祭祀之肺切而不斷曰離食肺判斷不離食便也三肺徧取合餅壹授不再授也黍稷言祭肺言興受坐祭互見也挽手旣祭以巾拭手扱插同栖匙也銅羹內有栖賓以栖初挿牛鉶遂徧扱三鉶合其味以祭于牛羊二鉶之北祭飲酒於上豆之間酒在豆東也魚腊醬醢不祭非其盛者

宰夫授公飯梁公設之于湑西賓北面辭坐遷之公與

賓皆復初位。宰夫膳稻于梁西。士羞庶羞。皆有大句蓋。  
句執豆如宰。先者反之。由門入。升自西階。先者一人升。  
設于稻南。簋西。間容人。旁四列。西北上。腳以東。臠麋牛。  
炙炙南。醢以西。牛胾醢牛鮓。其鮓南。羊炙以東。羊胾醢。  
豕炙炙南。醢以西。豕胾芥醬。魚膾衆人膳羞者。盡階不  
升堂。授勺以蓋降出。

此設加饌。既告具。又加設。致殷懃也。羹穀之大者。卽  
今高粱炊。以爲飯。渚大羹。在醬西。梁又設于渚西。坐  
遷之。卽渚西。少遷也。公與賓復初位。公序內。賓階西  
也。宰夫膳稻。若不親設也。穀以梁爲大。故君自設食。

以稻爲善故宰夫供膳食美曰膳梁西設于梁之西  
士謂有司羞進也庶羞卽下腳臚等十六品肴美曰  
羞品多曰庶羞每品以一大爵加豆上待祭曰大如  
脯之有橫臠少儀謂祭臠也蓋豆上蓋自門外入蔽  
風塵也士執庶羞之豆升階右執鐙左執盞盞階不  
升堂與宰執鐙同庶羞十六豆執不必多人先者進  
授又反取之由門入羹在廟門外也最先一人堂上  
陳設又一人往來取豆授共二人也加豆不與正饌  
接別設于稻南黍稷西與正饌分正饌東庶羞西其  
間容人賓于此出入也正饌堂中庶羞偏西故曰旁

十六豆爲四列每列各四始西北爲上屈折而東南西北腳腳牛臠腳東臠臠羊臠臠東臠臠豕臠臠東牛炙炙牛肉牛炙屈而南醢醢西牛臠臠曰鮓又屈而南羊炙羊炙東羊臠西醢醢西牛鮓臠曰鮓又屈而南羊炙羊炙東羊臠羊臠東醢醢東豕炙豕炙屈而南醢醢西豕臠豕臠西芥醬芥醬西魚臠以上十六豆所謂旁四列也終魚臠始腳所謂西北上也衆人謂士執盞者騰升也自下升上曰騰羞自門外升階至堂衆人升盡階不升堂自階上授于先者先者反之又授一人設之堂上故謂之騰旣授豆啓豆蓋執以下階出廟門也

按鄭解騰羞之騰爲媵爵之媵非也

贊者負東房告備于公贊升賓賓坐席末取粱卽稻祭于醬渚間贊者北面坐辯取庶羞之大興一以授賓賓受兼壹祭之

此賓祭加饌也告備備周于具也粱稻皆加饌卽就也粱在稻東渚在粱東醬在渚東先取粱就取稻奠于醬渚之間以祭坐席末不于席中別于正饌也贊者兼取一授賓兼一祭皆變于正饌禮殺也壹祭不言其所亦醬渚間可知

賓降拜公辭賓升再拜稽首公答再拜賓北面自間坐

左擁簋梁右執渚以降公辭賓西面坐奠于階西東面  
對西面坐取之栗階升北面反奠于其所降辭公公許  
賓升公揖退于箱擯者退負東塾而立賓坐遂卷加席  
公不辭賓三飯以渚醬宰夫執觶漿飲與其豐以進賓  
挽手與受宰夫設其豐于稻西庭實設賓坐祭遂飲奠  
於豐上

此賓食食也賓降拜將食拜饌也自間坐跪于東西  
兩饌之間擁抱也取梁渚二者公所親設食必歡渚  
渚正饌梁加饌兼取也降將往食于西階下不敢居  
尊也公辭辭降也賓西面跪奠梁渚于西階下轉東

面對對君也奠于階西示欲于此食也既對君西面坐取梁滫升奠于原所從君命也復降辭公不敢勞公臨視也公許暫退東廂俟賓食也箱廂通卽夾室擯退負東塾退立廟門外也卷去重席不敢居隆禮也公不辭聽也三飯以手三舉飯食食必歡滫者必濡醬故曰以醬滫解卽前所實酒解漿飲卽前俟于東房之漿飲食畢則飲酒漿解以盛酒漿豐以承解賓興受受解也設于稻西近賓右便取也庭實皮幣之屬以侑賓食于此時設遂飲飲酒漿

公受宰夫束帛以侑西鄉立賓降筵北面擯者進相幣

賓降辭幣升聽命降拜公辭賓升再拜稽首受幣當東楹北面退西楹西東面立公壹拜賓降也公再拜介逆出賓北面揖執庭實以出公降立上介受賓幣從者訝受皮賓入門左沒霤北面再拜稽首公辭揖讓如初升賓再拜稽首公答再拜賓降辭公句如初賓升公揖退于箱賓卒食會飯三飲不以醬渚

此公以幣侑賓食既設庭實宰夫以束帛授公親送勸賓食曰侑公出東廂仍卽東序內西向立賓聽命降拜將受幣拜也受當東楹就君也北面臣禮也退西楹西東面立公將拜送也公拜賓先降不敢俟成



拜也。介逆出。先賓出也。賓在堂。三介在門西北面。近門者先出。曰逆賓。北面揖。揖執庭實者。示親受也。以出。賓以庭實出。公降立。俟賓反也。上介受賓幣。受于門外也。從者。賓從者。訝受皮。謂君有司執皮送于門外。賓從者。迎受之也。賓入門復入也。三飯可退矣。公以幣侑。待于庭下。故賓復入。沒霤。入門內檐外。沒盡也。北面拜稽首。謝公幣。將告退也。拜于門內。公在庭也。公辭止其拜。畱之也。揖讓如初。升。賓升。則介亦復入門。西。賓再拜。將更食也。賓降。辭公辭其臨視如初。禮也。會飯。謂黍稷會簋盞也。黍稷六簋皆有會。稻粱

無會故初三飯卽食稻粱此食黍稷也三飲初三飯一飲此三飲則九飯也不以醬清不用正饌也初食加飯以正者此食正飯以加羞皆兼兩饌

挽手興北面坐取粱與醬以降西面坐奠于階西東面再拜稽首公降再拜介逆出賓出公送于大門內再拜賓不顧有司卷三牲之俎歸于賓館魚腊不與

此卒食送賓歸俎也公于正饌先設醬加饌先設粱二者賓親徹以降重君親設也奠于西階下卽向者賓欲降食之處東面拜卽奠處拜公降再拜降阼階西面答也介逆出先賓出也卷猶收也俎以三牲爲

主歸三牲之俎歸正饌也乾魚乾腊非三牲不與則腸胃膚后于魚腊不與可知

明日賓朝服拜賜于朝拜食與侑幣皆再拜稽首訝聽之

此賓拜賜賜卽食與幣皆再拜稽首四拜四稽首也訝迎賓將命者聘記云卿大夫訝大夫士訝小聘大夫則士訝也聽之謂入告出報也凡拜賜不相見

上大夫八豆八簋六劔九俎魚腊皆二俎魚腸胃倫膚若九若十有一下大夫則若七若九庶羞西東毋過四列上大夫庶羞二十加於下大夫以雉兔鶉鴛

齊

此言公食上大夫之禮。殊于前食下大夫者也。大聘以上大夫食。禮八豆加苡苴麋醯八簋加黍稷六鉶加羊豕九俎加鮮魚鮮腊也。魚腊皆二俎。謂乾魚乾腊外。加鮮魚鮮腊爲二也。魚與牛羊腸胃倫膚三者各俎。所載數以爵爲差。用九。小國之卿用十一。大國之卿用七。小國大夫用九。大國下大夫。大國下大夫當小國上大夫。下大夫庶羞十六。西東四列。上大夫加雉兔鶉鴛四爲二十。然陳設之法。東西皆不過四。四豆加南爲一列。南北五。東西仍四也。鴛鶉屬田鼠所化。

若不親食使大夫各以其爵朝服以侑幣致之豆實實于壺陳于楹外二以并北陳簋實實于筐陳于楹內兩楹間二以并南陳庶羞陳于碑內庭實陳于碑外牛羊豕陳于門內西方東上賓朝服以受如受饗禮無僨明日賓朝服以拜賜于朝訝聽命

此君不親食使人致食之禮使大夫上下各以賓爵如初戒分敵易親也豆實菹醢之屬簋實黍稷之屬庶羞腳臠之屬庭實皮馬之屬各如公親食之數但菹醢不用豆實于壺黍稷不用簋盛于筐其陳于堂上二以并同其南北縮陳楹內楹外異也豆主薦者

自外陳而向北。簋主食者。自內陳而向南。庶羞加饌。故畧以原器陳于庭中。碑內不與正饌同登堂也。庭實陳于碑外。從其常處。但無人執牛羊豕鼎俎之實。不殺。故生致之。陳于門內。不列于庭。西方東上。與餽位同也。賓朝服受如饗禮。謂以皮弁迎于門外。再拜。大夫不答拜。同。但不如受饗。有庭實。僮使者耳。

大夫相食。親戒速迎。賓于門外。拜至。皆如饗拜。降盥受醬。涪侑幣束錦也。皆自阼階降堂受。授者升一等。賓止也。賓執梁與涪之西序端。主人辭。賓反之。卷加席。主人辭。賓反之。辭幣降一等。主人從。受侑幣。再拜稽首。主人

送幣亦然。辭於主人降一等。主人從。卒食徹于西序端東面再拜降出。其他皆如公食大夫之禮。若不親食則公作大夫朝服以侑幣致之。賓受于堂無饋。

此大夫相食主國卿食賓之禮也。親戒親速不遣使也。迎賓于大門外。不于門內也。饗禮拜至不可考。降盥受醬先盥後受也。受醬受酒受侑幣皆與公食禮同。但公受于堂上此則自阼階降堂受而授者升階一等。主降賓不從爲異。公侑幣束帛此束錦賓食于公執梁涪降西階此執梁涪往西序端不降主辭則反不奠不對不取也。賓食于公卷加席公不辭此主

人辭賓卽不卷受公侑幣再拜稽首公拜送幣無稽首此再拜稽首主賓同也賓將食于公降堂下辭公不降此賓降一等辭主人從降食于公卒徹梁與醬降西階下東面拜此徹于西序端階上拜而後降此以上皆大夫相食之禮與公食大夫異者也其他俎豆之數陳設之儀同主人有他故不親食公使大夫朝服以侑幣致蓋賓客之事國之公事君臣一也賓受于堂上無饋與受公致食同

記○不宿戒戒不速不授几無阼席亨于門外東方○司宮具几與蒲筵常句緇布純句加萑席尋句玄帛純皆



卷自末宰夫筵出自東房。○賓之乘車在大門外西方  
北面立。○劔、筭、牛、霍、羊、豕、豕、豕皆有滑。○贊者盥從俎  
升。簠有蓋，冪。凡炙無醬。○上大夫蒲筵，加萑席。其純皆  
如下大夫純。○卿擯由下。句上贊。○下大夫也。○上大  
夫庶羞酒飲，漿飲。庶羞可也。○拜食與侑幣皆再拜稽  
首。

此記前文之未備。不宿戒，當日戒也。戒不速，賓聞戒  
卽至，不再召也。不授几，公不親授也。無昨席，不設主  
席也。烹于門外，饗饔在廟門外也。東方，貴陽也。蒲筵，  
蒲草爲筵席。丈六尺曰常。緣邊曰純。加重席也。萑，細

輦八尺曰尋捲席者自下爲末舒席者自上爲本司  
宮具筵于東房宰夫設之故自東房出賓之乘車謂  
大夫所乘入朝之車曲禮客車不入大門覲禮偏駕  
不入王門臣子及朝門外下車則還車北向不稅駕  
立以俟也西方賓位也鉶和羹之鼎羹有菜曰苾蒿  
豆葉苦甜菜薇細豆苗滑味之滑利者內則云滑瀹  
以滑之猶今人以豆粉和羹之類贊者贊賓祭俎者  
俎升則從升簋以盛黍粱前云宰夫坐啓簋會是簋  
有蓋而不言簋蓋于此記簋亦有蓋有罍但黍稷先  
設用而稻粱後設不用耳凡炙謂牛羊豕炙炙宜乾

食故不設醬。卿謂上大夫擯贊禮者。卿擯謂食卿之  
擯。凡賓主升降行禮。擯贊之食。卿則擯立堂下。有事  
由下升。其立堂上贊禮者食下。大夫之擯也。公食  
下。大夫酒飲進于設正饌之時。漿飲進于賓三飯之  
後。如食上大夫加庶羞爲二十。則酒飲漿飲再設以  
酒漿。食庶羞可也。食之明日。拜食與幣于朝。皆再拜  
稽首者。上大夫與下大夫公食。大夫與大夫自相食  
同。前旣云他皆與公食。大夫禮同。此又特言者。拜不  
在食日。嫌上大夫異也。

按鄭解席卷自末。謂末有識非也。末在卷舒不在席。

出自東房。謂天子諸侯有左右房。非也。廟有東房。無  
西房。惟堂館東西房俱有。不分天子諸侯也。上贊下  
大夫。謂以下大夫爲上贊。非也。諸侯之贊多。大夫不  
言可知。

儀禮節解卷九終

儀禮節解卷十

郝敬習

覲禮第十

諸侯朝見天子曰覲。周衰禮廢，文武攸同之蹟不可詳考。後儒纂緝舊聞，摹爲覲禮，記其大畧耳。未若燕射聘食，諸侯大夫禮言之娓娓然，而反足信。周禮大宗伯春朝夏宗，秋覲冬遇，皆名家以臆鑿說。諸侯見天子禮，唯有覲。今以覲禮爲嚴，曰殺氣質生氣文，別爲朝宗遇，以便不寧侯，是東遷以還頽政，非先王舊章也。鄭玄好信不達，謂三時禮亡，豈其然乎？豈其然

手

覲禮至于郊王使人皮弁用璧勞侯氏亦皮弁迎于帷門之外再拜使者不答拜遂執玉三揖至于階使者不讓先升侯氏升聽命降再拜稽首遂升受玉使者左還而立侯氏還璧使者受侯氏降再拜稽首使者乃出侯氏乃止使者使者乃入侯氏與之讓升侯氏先升授几侯氏拜送几使者設几答拜侯氏用束帛乘馬饋使者使者再拜受侯氏再拜送幣使者降以左驂出侯氏送於門外再拜侯氏遂從之

至于郊諸侯入覲至王城郊外皮弁朝服之冠王使

人執璧爲信。迎勞來覲諸侯。稱侯氏者。君前以侯爲氏。不敢自殊也。帷。郊外設帷爲次。以受王命。使者不答拜。侯氏爲天子拜也。執玉。執璧也。使者不讓先升。尊王命也。使者左還。旣東面授玉。以左體轉向南。示將去。少立。以侯還璧也。旣通信。還使者璧。復王命也。侯氏降拜。送王也。止使者。將賓也。侯氏先升。導賓也。授几。則設席可知。使者受几。自設于席左也。左驂。庭實四馬。最西一馬也。馬首北。以西爲左。一車四馬。左右兩驂。西爲左驂也。使者由西階降。親牽左驂出。餘三馬。侯氏士牽送。使臣從者門外受。侯氏遂從使者。

入于王城

天子賜舍曰伯父女順命于王所賜伯父舍侯氏再拜稽首。饋之束帛乘馬。

此天子賜諸侯館舍曰以下使者致館之辭。天子稱同姓諸侯爲伯父。順命順承王命來朝也。饋之侯氏饋禮王使。

天子使大夫戒曰某日伯父帥乃初事侯氏再拜稽首。諸侯前朝皆受舍于朝。同姓西面北上。異姓東面北上。某日謂覲日帥乃初事率循故事也。諸侯既至入覲自有常期。天子必使人告示賓禮之意。前朝將入朝。



之前次朝門外次舍將覲先次門外以俟衆集也同姓異姓皆諸侯北上自北序立而南也

按先朝而受次則入覲者衆矣故不曰侯氏曰諸侯同姓異姓先日戒期比次列舍然後入所以防雜越也鄭拘周禮謂六服以遠近分至四時異禮或在廟或在朝或迎或不迎參差煩亂不可爲朝常迂鑿之說也

侯氏裨冕釋幣于禩乘墨車載龍旂弧韜乃朝以瑞玉有繅天子設斧依於戶牖之間左右几天子衮冕負斧依嚮夫承命告于天子天子曰非他伯父實來予一人

嘉之伯父其入予一人將受之侯氏入門右坐奠圭再拜稽首擯者謁句侯氏坐取圭升致命王受之王侯氏降階句東句北面再拜稽首擯者延之曰升升成拜乃出

此入覲也覲之晨侯氏先自告其行主古者大事出奉其廟主行有事則告禪猶副也天子衮冕爲正諸侯以下冕服爲副釋幣奠幣告禰以將入覲也古者天子受覲于廟所以昭先烈也諸侯入覲告禰所以率先職也墨車黑漆車周禮大夫墨車諸侯乘之所謂偏駕不入王門也諸侯金輅象輅各殊所謂偏駕

也不敢偏駕疑于天子之五輅也。偏駕不乘故衆皆  
墨車。龍旂畫龍之旂。弧以張旂形如弓。韞弓衣瑞王  
公桓圭。侯信圭。伯躬圭。子穀璧。男蒲璧。天子分封頒  
以爲瑞。諸侯來朝執以爲信也。斧作黼。繡黼爲屏風  
設于座後。天子所依也。考工記白與黑謂黼色。取西  
北金水巖疑象乾之斷也。戶牖之間南面之位。古廟  
制堂北中爲室。牖東爲室戶。席在戶牖間。左右皆几  
優至尊也。神几尚右。人几尚左。左右兼設以安至尊  
爲神人共主也。衮冕詳見周禮春官司服職衣衮冠  
冕也。負斧依背黼。展立。嗇夫官名。嗇。稽通。郊遂奔走。

之吏春秋傳曰嗇夫馳庶人走承命承諸侯入見之命非他親之之辭詩云豈異伊人兄弟匪他入門右不敢趨賓位也坐奠王跪而奠所執之王于地不敢親授也擯相禮者謁傳王命使進謁升升堂侯氏降降西階自西階過東當堂上斧依前北面再拜稽首所以覲也王不答拜直受也乃出覲事畢也

按此節叙覲禮簡而直情而信無交擯三辭親迎親送賓主對立遠近步數之法鄭氏僻信周禮穿鑿粧飾過也嗟乎天冠地履萬古常新雖無此文覲禮可知況彰彰如是乃引衰世下堂之事以爲三時禮闕

豈不謬哉

四享皆束帛加璧庭實唯國所有奉束帛匹馬卓上九馬隨之中庭西上奠幣再拜稽首擯者曰予一人將受之侯氏升致命王撫玉侯氏降自西階東面授宰幣西階前再拜稽首以馬出授人九馬隨之事畢

此享禮也四享諸侯五等子男同等故四猶下言四傳擯也鄭據周禮大行人廟中將幣皆三享謂古三四字積畫致誤然周禮未可盡據也庭實唯國所有各以其產皆束帛加璧致之奉親奉匹馬卓上謂以一馬居前上首特出曰卓論語云如有所立卓爾一

馬中庭卓立九馬羅列于後先進者從西以次并列而東故曰西上擯者曰予一人傳王命將親受也侯氏升致命升堂致將受之命于王王撫玉以手撫摩其璧不撫帛也撫其玉不親受尊受卑者之禮與昏禮舅氏撫婦之贊同侯氏自奉其玉帛降西階下東面授大宰卽階下再拜稽首送幣不敢授之堂上也王旣受享侯氏自牽其馬出授王人異于常禮主人士受以出也事畢享禮畢

按鄭謂匹馬卓上之卓猶的也以素的一馬爲上書其國名後當識其何產鑿說也諸侯常貢安得異馬

如屈產鄭小駟之類者此當世天馬西來之事奈何以附會古禮

乃右肉袒于廟門之東乃入門右北面立告聽事擯者謁諸天子天子辭於侯氏曰伯父無事歸寧乃邦侯氏再拜稽首出句自屏南適門西遂入門左北面立王勞之再拜稽首擯者延之曰升升成拜降出

此諸侯述職待罪也親享既畢黜陟未分懼王或譴乃右肉袒請事凡禮事袒左刑人袒右肉袒袒衣見肉門東趨右也凡刑事尚右聽事猶言待罪告告擯者謁猶請也寧安也乃汝也屏南屏牆南天子屏在

傳禮音解 卷一  
門外侯氏既得天子命遂出廟門由屏南通門西入廟門左北面復常位也勞安慰也升拜拜謝也

天子賜侯氏以車服迎于外門外再拜路先設西上路下四亞之重賜無數在車南諸公奉篋服加命書于其上升自西階東面大史是右侯氏升西面立大史述命侯氏降兩階之間北面再拜稽首升成拜大史加書于服上侯氏受使者出侯氏送再拜饋使者諸公賜服者束帛四馬饋大史亦如之

此天子賜命諸侯書于車服以庸詩云何以予之路車乘馬又何予之玄衮及黼使人賜于館舍侯氏迎



于館門外路卽車西上車設于西馬在車東車下四馬馬別設車下無馬故云路下四亞之亞次列也重賜加賜如金帛器用牲畜之類諸公天子三公師保傳諸者不定唯所使也篋以盛服命書天子所錫命侯氏策書上篋上大史掌策命右居諸公右述命宣讀命辭兩階之間東西兩階中也

同姓大國則曰伯父其異姓則曰伯舅同姓小邦則曰叔父其異姓小邦則曰叔舅饗禮乃歸

此記天子稱諸侯之辭伯叔父舅尊敬親愛之稱饗禮饗與燕食之禮周禮掌客上公三饗三食三燕侯

伯再饗再食再燕子男一饗一食一燕歸反國也

按周道盛時小雅伐木歌諸父諸舅燕飲驩洽君臣胥樂或寵命褒嘉稱謂之間極致優崇先王所以尊尊親親之誼如是耳至于廟朝行禮辨分以天子父其臣爲伯爲叔爲舅大邦小邦不復序爵雖兄弟婚姻不論長幼尊卑槩曰伯叔正名謂何此東遷以後頽風非文武之舊章文侯之命始作俑矣夫子刪書存之其有所慨也夫

諸侯覲于天子爲宮方三百步四門壇十有二尋深四尺加方明于其上。方明者木也。方四尺設六色東方青

南方赤西方白北方黑上玄下黃設六玉上圭下璧南方璋西方琥北方璜東方圭上介皆奉其君之旂置于宮尚左公侯伯子男皆就其旂而立四傳擯天子乘龍載大旆象日月升龍降龍出拜日於東門之外反祀方明禮日於南門外禮月與四瀆於北門外禮山川丘陵於西門外祭天燔柴祭山丘陵升祭川沈祭地瘞

此節一家之說凡諸侯入覲天子率之以祀羣神壇土爲宮于國門外四門每方一門中築土爲壇壇四方十有二尋每方九丈六尺也壇上去地深四尺方明四方上下神明以木爲主方四尺上下四旁各一

尺設六色每方一色象天地四方也設六玉每方以其玉函木上上與東方皆圭上爲天帝東方帝所出陽居南璜半璧象陽居上璧孔象陰居下璋半圭象半上剡象物生居東上介諸侯之相君之旂卽諸侯之旂置于宮豫識其君朝列之位也上左諸侯各以其爵自東立而西不言面皆北面可知四傳擯公一侯一伯一子男同一相禮者各以其等傳命見王于宮而後從王以祭也馬八尺以上曰龍乘龍以龍馬駕車也大旆大旗也象謂旆上畫日月交龍之象出由

宮出東門卽壇宮東門反祀方明祀于壇上也先朝  
日後祀方明日爲明主東方生明迎日而反祀于壇  
上旣祀又禮之者祀方明則合羣神而禮則各就其  
方位南北西門皆壇宮門日爲陽精故於南門月與  
四瀆陰精故于北門山川丘陵主成物故於西門皆  
於門外者望其神致禮也祭卽禮也祭天神日月燔  
柴升煙以通之祭山川丘陵升高以加之祭川沈物以  
委之祭地瘞物以實之皆所謂禮皆行于各門之外  
○按鄭于此節引周禮四時之說與禮記明堂位牽  
合秋官司盟謂天子設壇郊外與諸侯同盟本文自

明曉被其附合割強不可讀甚無謂也世儒標目以爲大朝覲之禮豈非以耳食者與

記○几侯于東箱○偏駕不入王門○奠圭于纁上此節記前文之未備几設左右几于戶牖間侯于東廂几藏東夾室待行禮王卽席乃設之偏駕解見第四節此申明諸侯乘墨車之義奠圭必于纁上開纁呈圭也申明瑞玉有纁之義

按覲禮在十七篇中獨簡當近情可信鄭註強補遂使天尊地卑明白易見之蹟反謂殘缺未備自騁臆臆增百世禮學疑障可怪也

儀禮節解卷十一

郝敬習

喪服第十一

親死曰喪喪失也孝子不忍死其親如親尚在相失云爾服思念也服以表貌貌以象心服心也詩云無思不服易云古者喪期無數書云百姓如喪考妣三年喪服唐虞世已然至周乃有五服之等衰麻哭踊之數如是篇所傳後人益推廣之耳

子夏傳

凡篇內傳曰相承謂爲子夏作是未可知也服制斷

自大夫以下。天子諸侯缺焉。是書多補葺于衰世。非盡先王之舊。孔氏之遺經也。經非盡自孔子出。傳安必爲子夏作。禮以飾情。情發于哀。最真而禮行于喪。最質。夫子論禮之本。曰與其奢寧儉。喪與其易寧戚。反本從質。莫如喪。子游云。喪致乎哀而止。篇內所言。義從之等。殤降之數。布縷之多寡。冠衰之易受。極其煩雜。無乃傷于易。而遠于儉與。自宿儒不能詳舉其數。而欲顓蒙之衆學。且習焉。難矣。說者謂周公制禮。監二代而郁郁。其斯之類。蓋周公懲二叔之不率。制禮辨微。有之秩序等級。自然不容易者。是聖作之遺。



其煩瑣苛細世所不用者強半豈盡周公之舊與

喪服斬衰

推

裳直經

送

杖絞帶冠繩纓管

森

屨者傳曰

斬者何不緝也直經者麻之有蕢者也直經大搗瓦左

本在下去五分一以爲帶齊者衰之經斬衰之帶也去

五分一以爲帶大功之經齊衰之帶也去五分一以爲

帶小功之經大功之帶也去五分一以爲帶總麻之經

小功之帶也去五分一以帶直杖竹也削杖桐也杖各

齊其心皆下本杖者何爵也無爵而杖者何擔主也非

主而杖者何輔病也童子何以不杖不能病也婦人何

以不杖亦不能病也絞帶者繩帶也冠纓纓條屬右縫

冠六升外畢句鍛而勿灰衰三升菅屨者菅菲去聲也外  
納句居倚廬寢苦枕塊哭晝夜無時歎粥朝一溢米夕  
一溢米寢不脫經帶既虞翦屏柱楣寢有席疏食水飲  
朝一哭夕一哭而已既練舍外寢始食菜果飯素食哭  
無時

此斬衰之制喪服惟斬極重斷而不緝曰斬凡凶服  
上衣曰衰衰摧也衰毀檻樓之狀下曰裳正斬衰裳  
布三升義斬衰裳布三升半苴包也臃腫粗惡之狀  
苴經杖謂經與杖皆苴絞麻爲大繩圍首曰經絞取  
固結緊急之意經垓也痛憤凸迭起之狀麻在首之

名絞帶。絞麻爲要帶。視首經大小有差。亦稱要經。杖以扶毀瘠。竹爲之。其狀亦直。冠喪冠。斬衰冠布六升。冠尊。稍細于衣。冠下不用布。武以麻繩一條。通屈爲武。垂其餘爲纓。曰繩纓。管茅屬。管屨。結草爲屨。傳曰。作傳者。釋上文之義。緝。編緝。使齊。不編緝。但斬之耳。蕢。實也。麻之有蕢。泉麻之結實者。詩云。有蕢其實。麻結實者。根幹粗駟。故曰直。搨。扼通。盈把曰搨。或作搯。一手所握也。本謂麻根。首經以麻連根。屈爲兩股。并絞。以根居左。向下。左爲陽。向下爲天。以象父也。母喪反是。齊衰之經以下。明五服皆有絞帶之制。以補經。

文之未備齊衰之經斬衰之帶謂母服之首經卽父服之要經凡首經大于要經母服降于父服也五服皆有經而要經皆居首經五分之四以爲差分必以五服有五等也帶卽要經以爲帶卽以爲本服之要經也削杖削木爲齊衰之杖木用桐哀同于父也削使方象地也杖各齊心長與胸齊也下本杖竹木皆以根居下杖之始設專爲扶病爵在則先貴者無爵則先喪主擔扶也非喪主而哀則以輔病凡斬服皆杖惟童子不杖以其幼小不備禮不能病也婦人亦不杖不迎送拜賓不勞苦亦不能病也條屬以小繩

一條爲冠武通屬無缺也右縫冠合縫偏右大功以上衰重皆尚右小功以下衰輕尚左吉冠武缺在後冠禮所謂缺項也冠六升用六升布爲之八十縷曰升六升四百八十縷也外畢冠縫以邊向外鍛洗治其布水不用灰不尚精潔也衰布三升倍羸于冠其鍛不灰同衰三升則裳亦三升也菲扉同草履也一名不借以其惡賤曰菲納收也收其草緒向外曰外納猶冠之外畢也倚廬倚木檐下爲居廬編蘖曰苫土塹曰塊溢盞通米盈握言食少也虞旣葬始祭之名虞安也安魂靈也旣虞則翦除倚廬屏蔽之草加

柱楣下。畧脩飾也。朝夕哭。哭有時。異于初喪。哭不絕聲也。練。謂期小祥。易練冠也。舍外寢。不居倚廬。亦不入內也。素食。無滋味之和也。哭無時。無每日朝夕哭之定時。但思至則哭也。

按五服經。皆絞麻爲之。始死麻散垂。成服絞。據後經。文齊衰以下。帶皆言布。不及麻。何也。言麻經。則該首。要也。古禮服。有衣卽有帶。言衰裳卽包帶。篇末記衰裳之制。亦不言帶。猶言冕弁兼服也。但禮服大帶用緇。喪服大帶用粗布。惟斬衰無布帶。與冠纓同。齊衰以下。冠布武。加麻經。布帶加麻帶。故經于斬衰言絞。

帶于齊衰以下言布帶也。鄭謂布帶象大帶，絞帶象革帶。近是謂布帶爲要經，首經象緇布冠缺項，非也。經主麻，帶主布，絞帶與首經同麻，故可名要經，而布帶非絞麻，安可名經乎？喪冠自有武，何爲以經象之？假如環經加于冠弁上，又以何象冠弁乎？又解升作登，訓成，據樂記男女無別，則亂升。史記作亂登，詩云椒聊之實，蕃衍盈升，一手所把曰升。織布牽縷以一手爲一升，一指間挾十縷，四指四十縷，往復則八十縷也。又云米一溢爲一升，重二十兩，二十四分升之一爲一溢，非也。溢與搯搗弁通，謂一握米耳。

傳曰爲父何以斬衰也父至尊也

此以下皆言爲斬衰服之人五服皆先舉其制後歷數其人父不言親人皆知父親而不知父尊知父尊而不知其爲至尊也一氣初化乾道資始雖母亦後之故曰至尊凡禮主敬而尚尊聖人爲禮以義制恩人道所以別于禽獸此也故禮絕于事父尊之至也臣之事君資之而已

諸侯爲天子傳曰天子至尊也

此斬衰也諸侯於天子猶子於父亦至尊也此所謂資於事父以事之者也



君傳曰君至尊也

此斬衰也凡有土之主皆稱君喪則其臣皆爲斬衰亦猶子於父也

父爲長子傳曰何以三年也正體於上又乃將所傳重也庶子不得爲長子三年不繼祖也

此斬衰也父爲適長子喪亦斬衰三年蓋其父本宗子繼祖禰之正體于上又將以宗祀之重傳之是以三年也乃指父重謂宗祀庶子謂父本庶子非正適所生長子亦無繼祖之重則不得爲三年喪服小記云庶子不爲長子斬不繼祖與禰故也

按父爲子喪如父義未甚協

爲人後者傳曰何以三年也受重者必以尊服服之何如而可爲之後同宗則可爲之後何如而可以爲人後支子可也爲所後者之祖父母妻妻之父母昆弟昆弟之子句若子

此斬衰也爲人後者謂爲所後之父服斬傳問何以三年疑其與親生者有間也受重謂繼宗祀尊服斬衰之服爲後者必同宗爲其初本一體也支子旁支之子非適適則各繼其正體也支子旣爲其人之後卽其人之子於所後者之祖父母卽曾祖父母也其

妻卽母也其妻之父母卽外祖父母也其妻之昆弟  
卽舅也其妻昆弟之子卽內兄弟也皆如子之于父  
故曰若子所以以父服服之

妻爲夫傳曰夫至尊也妻爲君傳曰君至尊也

此斬衰也妻爲夫服妻爲夫君服皆斬妻接也君主  
也妻不敢匹適故稱夫爲君妻從夫如子從父妻事  
夫如臣事君其尊同其服同

女子子在室句爲父布總箭筈擗衰三年傳曰總六  
升長六寸箭筈長尺吉筈尺二寸子嫁反在父之室爲  
父三年

此斬衰也。男女稱子。對父母爲子也。女子重稱子。別于男子之爲子也。女子既嫁爲其父母期。已嫁反在父室。父喪亦斬衰三年。總以布覆髮。猶男子之冠。用六升布。笄簪也。箭小竹。以卷髮。髻露髻也。男子斬衰始死。投冠脫髦。括髮齊加纁。女子斬齊衰皆髻。男子成服加喪冠。女子成服加惡笄。布總衰三年。與男子同。不言裳可知。六升布四百八十縷也。總長止六寸。取覆髦耳。喪笄比吉笄短二寸。獨于此詳者。因明婦人爲斬衰首服所異于男子者。子嫁反以下明此女子非未嫁之女。未嫁與子同。該首章爲父例。此旣嫁

反者也。既嫁從夫無夫反則父爲所天故喪父三年與子同。

按鄭以此章分三節解非也。又謂女行于大夫以上曰嫁行于士庶人曰適人。据齊衰三月傳云嫁者嫁于大夫然則士庶人妻反在父室不當爲三年乎。又謂婦人衰不言裳者衣與裳不殊無据或因周禮至后六服但言衣故附會之與。詩云綠兮衣兮綠衣黃裳此婦人自言已服也。又曰衣錦褰衣裳錦褰裳叔兮伯兮駕予與行此人刺婦人服也。安在其爲不殊邪。昏禮女純衣纁袿袿卽裳鄭避不殊之證解袿爲

衣緣豈有言衣不及裳徒言緣者邪卽本記衣衾尺  
寸各殊衾卽裳未別男女也如冠笄男女異記明言  
之矣

公士句大夫之衆臣爲其君布帶繩屨傳曰公卿句大  
夫室老士句貴臣句其餘皆衆臣也君謂有地者也衆  
臣杖不以卽位近臣君服斯服矣繩屨者繩菲也

此斬衰也公士謂諸侯之士與大夫之衆家臣各爲  
其君斬衰三年但加布帶與齊衰以下同屨麻繩不  
用菅與不杖期以下同蓋爵貴者恩重盡服爵卑者  
恩殺服損也公卿諸侯之卿大夫室老大夫家臣之

長士大夫之邑宰此皆貴臣得盡服餘皆衆臣布帶  
繩屨也有地謂諸侯有社稷大夫有采邑衆臣布帶  
繩屨皆杖但不以杖卽位異于貴臣杖卽位也近臣  
闕寺之屬恩禮又殺于衆臣服無等惟視嗣君服服  
耳非卽屨也

按此亦斬衰但言布帶非遂廢麻也與下疏衰等布  
帶同說詳首章

疏衰裳句齊句牡麻經冠布纓句削袂布帶疏屨三年  
者傳曰齊者何緝也牡麻者冢洗麻也牡麻經右本在  
上冠者沽古功也疏屨者薦蒯之非也

此齊衰三年之制。疏羸也。斬衰布三升。及三升半。未成布。至四升始成羸布。故曰疏衰裳。斬衰先言斬。齊衰後言齊者。斬則不復緝。齊則先斷後緝。牡麻無子之麻。麻無子者。根幹稍細。異于苴也。經首要經。冠用布爲武。垂爲纓。外加麻經。削木爲杖。不以苴竹。布帶以同冠。七升布爲大帶。不言絞帶者。麻經包舉矣。疏屨亦以草。但管則未成屨。此成屨而羸惡。猶疏衰之於斬衰也。斬衰不言三年。齊衰言三年者。斬皆三年。齊有不三年者。三年齊重比于斬者也。緝言齊也。緝其邊使齊。異于斬也。麻無子者曰牡。枲麻。苧麻可績。



有子無子均爲臬非苴麻外別有牡麻但實不實耳以牡麻連根屈爲兩股并絞麻根居右向上右爲陰向上爲地象母也三年之齊冠布七升沾苦通麤也首服宜精功此用七升布麤功也斬冠六升不言沾功者未成布也薦蒯皆草而較細于管

按古者衣必有帶帶用帛雜記云麻者不紳不帛帶垂紳如吉也今世齊功以下皆以麻帶代大帶與斬衰同非古也據經惟斬無布帶衰齊以下布帶加絞帶布帶卽禮衣大帶絞帶代禮衣之革帶也

父卒則爲母

此以下皆言爲齊衰三年之人母喪無父則爲齊衰三年父在不得伸則齊期耳尊統于父也

繼母如母傳曰繼母何以如母繼母之配父與因母同故孝子不敢殊也

此齊衰三年也繼母謂適母死父再娶之母如母謂父卒亦三年也因母卽適母適爲繼因因適有繼適繼相因故不敢殊

按鄭訓因母爲親母非也

慈母如母傳曰慈母者何也傳曰妾之無子者妻子之無母者父命妾曰女汝以爲子命子曰女汝以爲母若

是句則生養之終其身如母句死則喪之三年如母句  
貴父之命也

此齊衰三年也慈母養育成人之母恩同所生必父  
妾父命爲母子乃可雖非父敵父旣命爲已母矣故  
曰貴父之命

母爲長子何以三年也父之所不降母亦不敢降也  
此齊衰三年也父爲長子斬三年則母不得不爲齊  
三年父重母差輕子爲母齊亦輕于父也

按長子與父母同服此制禮者敬宗之義然子爲母  
齊三年必父卒然後可母爲長子齊三年則是父在

亦然矣。父能厭母而不能降子。則母輕。母不敢降子。而子降之。則母愈輕。此亦義之當質者。

疏衰裳。齊牡麻經冠布纓。削杖布帶。疏屨。期者。傳曰。問者曰。何冠也。曰。齊衰大功。句冠其受也。緦麻小功。句冠其衰也。帶緣各視其冠。

此齊衰期之制。經帶杖屨與三年同。重言者。明爲義屈。實與三年同情也。問者設問也。斬衰三年冠皆六升。齊有三年有期。不知冠之異同。故言齊衰與大功冠皆從所受受。猶接也。記云。齊衰四升。其冠七升。以其冠爲受。受冠八升。是也。言齊衰初喪布四升冠布。

七升。旣葬衰受冠布七升。冠更受八升。大功初喪冠布八升。旣葬衰受冠布八升。冠更受九升。總麻三月。小功五月。總麻以小功之冠爲衰。小功以大功之冠爲衰。不言受者。三月五月則旣葬服除。故無受。傳本明齊衰而及功。總附見也。帶謂布帶。不言麻帶。同經也。緣謂深衣領袖帶與緣。布稍細。各視其冠布升數。父在爲母。傳曰。何以期也。屈也。至尊在。不敢伸其私尊也。父必三年然後娶。達子之志也。

此以下皆爲齊衰期之人。父在爲母齊期。至尊謂父私尊。謂母。父至尊。而子又尊其母。故曰私尊。子爲父

屈而父爲子伸。故子服雖期年已除。父娶必三年後繼。以伸其子所不敢伸之志也。志謂心喪。

按尊尊親親。天下之大義。子云仁者人也。親親爲大義者宜也。尊賢爲大親。親之殺尊賢之等。禮所生也。禮根于仁。裁于義。凡禮由義起。故曰義以爲質。禮以行之。知仁而不知義。知親而不知尊。禽獸是也。禮以別人道於禽獸。故禮莫大于尊。而親爲次。尊父親母。禮之大義也。

妻傳曰。爲妻何以期也。妻至親也。

此齊衰期。去爲妻與母降服同。母妻非等。故傳設問。

蓋妻與夫敵體共承宗廟啓後嗣親亦至矣故與母同服

按爲妻期父在亦期父卒亦期也但父在適子爲妻期而不杖適婦喪父爲主也庶子則否父沒則否

出妻之子爲母傳曰出妻之子爲母期則爲外祖父母無服傳曰絕族無施服句親者屬句出妻之子爲父後者則爲出母無服傳曰與尊者爲一體不敢服其私親也

此齊衰期也妻被出義與夫絕子之於母恩無可絕雖父在出母猶杖期傳曰以下申明其義蓋出母杖

期似與見在之母無別。然出母之服。僅止于母。若出母之父母。爲子之外祖父母。則不爲服矣。示絕族也。傳曰。又引古傳語。絕族謂不相連屬之族。母在內。則母族爲相連。母出。則族絕。服無旁及。施旁及也。親者謂母子屬。續也。孝經云。父母生之。續莫大焉。母子至親。相續無絕。所以母雖出。子必爲期。雖然。父絕子屬。不幾于背父乎。故唯庶子不繼。正體者得服。適子爲父後者。則不得服。適子後父。與父爲體。父至尊也。違尊服私親。是與至尊二體。故不敢。

按適子不得服出母。此禮過嚴。乃所以上義而先尊。



也。喪服少寧戚之意，非必盡古人之舊。

父卒，繼母嫁。句從句爲之服。句報傳曰何以期也？貴終也。

此齊衰期繼母。父繼娶，非親生適母。父死，子幼從繼母嫁，是始終相依也。母喪則子爲期，子喪則母亦然。以報之，傳疑從嫁之繼母，何以母子同服？蓋生相依而死相棄，是無終也。生依之，死服之，所以貴終。終其爲母子之義也。然則親母嫁從者，其服可知。

按繼母再嫁于先夫之誼已絕而爲之期，使長子繼父者用此禮，所云尊者一體，謂何血屬之子尚不敢。

服其私親改節之婦乃食報于他子世俗往往有之  
于禮近濫傳義本疎闊而註疏力爲周旋未見盡協  
也

不杖麻屨者

此齊衰不杖期之制麻屨與疏屨異冠經帶等皆與  
杖期同

祖父母傳曰何以期也至尊也

此以下皆爲不杖期之人孫爲祖父母不杖期祖父  
母之親不及父母而論分則父所尊也父所尊故亦  
曰至尊

按此有父在之正禮父沒適孫爲其祖三年以代父也禮各舉其正者斬衰首父齊衰首母不杖期首祖父母舉其正而凡不備者皆可義推矣

世父母叔父母傳曰何以期也與尊者一體也然則昆弟之子何以亦期也旁尊也不足以加尊焉故報之也父子一體也夫妻一體也昆弟一體也故父子首足也夫妻辟合也昆弟四體也故昆弟之義無分然而有分者則辟避子之私也子不私其父則不成爲子故有東宮有西宮有南宮有北宮異居而同財有餘則歸之宗不足則資之宗世母叔母何以亦期也以名服也

此不杖期昆弟之子爲伯叔父母伯稱世者父之兄則小宗也繼世尊之故曰世伯叔父母非尊于祖父母何以與祖父母同服雖不尊于祖父母而實與祖爲一體父至尊又與父爲一體惟其一體所以同服若昆弟之子則我爲世叔父世叔父爲昆弟之子亦期尊爲卑服宜降而亦期何也世叔父非如祖父正尊旁尊也正尊可加尊而降卑旁尊不足以加尊昆弟子爲世叔父母期則世叔父母亦爲昆弟子期以報也雖然皆一體也故父子如頭足夫妻如判合昆弟如四肢父子一體則世叔父與祖非二夫妻一體

則世叔母與世叔父非二昆弟一體則父與世叔父非二所謂與尊者一體也。但各有父子不得。不分雖分亦終非二分殊而體一辟。避同子各事其父。故昆弟不得不避之。是以分耳。宮謂父子各居別宮。各事其所尊宗小宗。卽世父母之宮。名服謂旣名爲世叔母。不得不從世叔父服服也。

大夫之適子爲妻。傳曰。何以期也。父之所不降。子亦不敢降也。何以不杖也。父在則爲妻。不杖。

此不杖期也。夫爲妻杖期。舅爲適婦大功。常也。大夫適子妻仍期不降。何也。大夫不以貴降適。其子適子。

婦大功仍大功也。父不降而子又安可降乎？所以太夫適子，仍得爲妻期。然不杖何也？父在適婦之喪，父主之。父爲主，子杖是奪其父主，不敢也。然則大夫庶子爲妻，宜如何？曰：宜大功。是父所降也。欲爲期，不可得也。然則大夫庶婦喪，亦爲主乎？曰：否則大夫以上降其妻乎？曰：否則何以獨言大夫期降自大夫始？按降服有四品：君、大夫、以尊降、公子、大夫、子、以厭降。公之昆弟以旁尊降爲人，後者女子子嫁者以出降。夫以尊降者爲辨分，以出降者爲情殺可也。若夫厭降者，已非諸侯大夫而徒以父之所降，已亦降旁尊。

降者已非君公而徒以爲公昆弟于所親亦降則似迂矣故縣子曰古者無降上下各以其親世運有隆替親有不得不殺恩有不得不窮非古也權其通者惟建人乎

昆弟

此不杖期也昆弟卽兄弟昆同也同本曰昆弟第也次第曰弟凡親族齒相若稱兄弟同父稱昆弟後倣此同父相爲期也

爲衆子

此不杖期父爲庶子也若父大夫則降爲大功諸侯

絕矣

昆弟之子傳曰何以期也報之也

此不杖期伯叔父爲兄弟子兄弟子爲伯叔父亦然  
曰報

大夫之庶子爲適昆弟傳曰何以期也父之所不降子  
亦不敢降也

此不杖期也父母于適子三年于庶子期昆弟相爲  
期大夫于庶子降爲大功于適子不降故大夫之庶  
子厭于父爲庶昆弟亦大功于適子之爲昆弟者仍  
期故曰父所不降子亦不敢降適言弟適少于庶者



也

適孫傳曰何以期也不敢降其適也有適子者無適孫  
孫婦亦如之

此不杖期適子早死立適子之適子繼宗曰適孫死  
則祖爲之期祖爲孫大功常也以其繼體加隆焉若  
使適子在等孫耳無適庶之異也其子孫婦亦然無  
適子有適孫乃有適孫婦不然孫婦等耳皆大功也  
爲人後者爲其父母句報傳曰何以期也不貳斬也  
何以不貳斬也特重於大宗者降其小宗也爲人後者  
孰後後大宗也曷爲後大宗大宗者尊之統也禽獸知

母而不知父野人曰父母何算焉都邑之士則知尊禘矣大夫及學士則知尊祖矣諸侯及其大祖天子及其始祖之所自出尊者尊統上卑者尊統下大宗者尊之統也大宗者收族者也不可以絕故族人以支子後大宗也適子不得後大宗

此不杖期也子出繼宗人則爲本生父母不杖期本生父母亦以此反服曰報傳疑爲父服斬而降期何也蓋旣爲人後卽爲所後者斬若又爲所生者斬是二斬也凡繼繼宗也宗爲大則所親爲小故舉宗法明之大宗自始祖以下適長世世相傳合族人共宗

之小宗謂始祖適子之第二子亦以適長世世相承  
五服內宗之大宗百世不遷小宗歷高曾祖考每四  
世親盡則遞遷大宗繼祖小宗繼禰各同父以上各  
以其四親爲小宗同父之適爲繼禰小宗同祖之適  
爲繼祖小宗同曾祖之適爲繼曾祖小宗同高祖之  
適爲繼高祖小宗此外則五服窮而不復相統矣以  
彼各有五服內繼高祖下者自爲統也族人各有四  
宗又共事其始祖之大宗故大宗尤重大宗絕必擇  
族人支子繼之大宗尊小宗親小宗輕大宗重也今  
人但知親小宗不知尊大宗知親不知尊知父母不

知祖宗則禽獸鄉人而已。學士大夫諸侯天子德愈尊則統愈遠。此尊親大小之分也。諸侯之大祖謂始受封之君。天子始祖所自出之帝。如周人追祀帝嚳之類。上猶遠也。下猶近也。尊者德隆。卑者德薄。故所統有遠近。大宗不可絕。爲族無統也。絕則以支子後。適子不得後大宗。各有所後也。此見宗嗣至重。爲人子者不可輕爲人後。旣爲人後則不得復遂其私也。○按古立後惟宗。非宗不後。非支不後人。君子不樂爲人後。惡背親也。今世庶絕皆議後。其謬者。屈宗後庶。其尤謬者。一子兩後。一後兩子。或獨子後人。或無

子爭後利死者財產詭道百出貪戾無恥莫斯爲甚  
昔夫子射于矍相之圃使子路延射曰敗軍之將亡  
國之大夫與爲人後者不入餘皆入夫爲人後者至  
與敗軍亡國者比志士仁人所以恥不爲也

女子子適人者爲其父母句昆弟之爲父後者傳曰爲  
父何以期也婦人不貳斬也婦人不貳斬者何也婦人  
有三從之義無專用之道故未嫁從父旣嫁從夫夫死  
從子故父者子之天也夫者妻之天也婦人不貳斬者  
猶曰不貳天也婦人不能貳尊也爲昆弟之爲父後者  
何以亦期也婦人雖在外必有歸宗曰小宗故服期也

此不杖期。既嫁之女爲其父母與其兄弟之爲適長者皆不杖期。傳疑子於父宜斬不斬何也。婦人旣以夫爲尊無復尊父之義故不貳斬者不貳天也。其爲適兄弟期者適子後父則家之小宗也。婦人有故則將歸焉故爲之期從其所親以殊于大宗之齊衰三月者也。

繼父同居者傳曰何以期也。傳曰夫死妻穉子幼子無大功之親與之適人而所適者亦無大功之親所適者以其財貨爲之築宮廟歲時使之祀焉妻不敢與焉若是則繼父之道也同居則服齊衰期異居則服齊衰三

月必嘗同居然後爲異居未嘗同居則不爲異居

此不杖期也前夫子謂母再嫁之夫曰繼父同居則思猶父也雖非血屬死亦爲期傳引舊傳明同居之義見所以爲服非苟也妻禘夫死子幼無親與子再適人非得已也子稱其人爲同居繼父非泛然同居也設使子有大功之親則不得依他人爲父使其人有大功之親則亦不得養他人爲子或私其財貨不與同利易其宗姓使不得自奉其先祀或使其妻預旣絕之禮使鬼神不享有一於此則恩誼薄焉得稱父必是數者兼備又獨父孤子終身相依如此眞繼

父矣。然後可爲齊衰期年。若三者備。始同居而後異居。則但可爲齊衰三月。若初未嘗同居于前數者。無一焉。路人耳。三月不可。況期年乎。

按婦人二夫。女德虧矣。喪服有繼父叔季委巷之禮。非古聖經制。讓禮者。不可不思。

爲夫之君。傳曰。何以期也。從服也。

此不杖期也。臣爲君斬。臣妻爲君期。夫之所尊。妻從服也。凡從服。降正服一等。

姑姊妹女子子適人。句無主者。句姑姊妹報傳曰。無主者。謂其無祭主者也。何以期也。爲其無祭主故也。



此不杖期姑於姪姊妹於昆弟女子子於父母適人  
死父母昆弟姪爲大功常也若無後爲主則爲期加  
憐也姑姊妹于姪昆弟死無主亦然以報也有主姑  
姊妹適人者爲大功報不言女子子爲父母本期也  
爲君之父母妻長子祖父母傳曰何以期也從服也父  
母長子君服斬妻則小君也父卒然後爲祖後者服斬  
此不杖期君凡有地者之通稱臣爲君之父母與妻  
與長子與祖父母皆期六者皆君至親君服臣從服  
君子父母與長子皆服斬君妻子臣爲小君與君同  
尊君不降其妻臣從亦期也凡孫爲祖期以有父爲

後也。若孫無父，後祖亦服斬。故君有以適孫繼祖服斬者，臣亦從服期。凡從服降一等。

按鄭謂此始封之君，其祖與父未嘗爲君，故臣無服從君之服是也。又謂父卒者爲君之孫，宜嗣位早卒。今君受國於曾祖，非也。父卒爲祖後服斬，此禮不專爲君設。凡孫於祖皆然。此因臣從服君祖父母期，明君所以服斬之故。衛輒繼祖，援此禮。但此祖父未嘗爲君，嘗爲君則臣亦服斬矣。

妾爲女君，傳曰：何以期也？妾之事女君與婦之事舅姑等。

此不杖期。女君適妻之通稱。婦爲舅姑期。妾于正嫡亦然。舅姑于適婦大功。庶婦小功。

按鄭謂女君于妾無服。非也。旣云妾事女君如婦事舅姑。則女君視妾如舅姑。視婦可知。舅姑于適婦大功。庶婦小功。女君于妾亦然。

婦爲舅姑傳曰。何以期也。從服也。

此不杖期。夫所至尊至親。妻從夫服也。匪夫則路人耳。誼雖戚。不得不謂從。

夫之昆弟之子傳曰。何以期也。報之也。

此不杖期。姪子爲世叔母。世叔母之爲之也亦然。故

曰報之

公妾大夫之妾。句爲其子。傳曰何以期也。妾不得體君。爲其子得遂也。

此不杖期。父母爲衆子。常也。諸侯絕旁期。爲衆子無服。大夫期降一等。爲衆子大功。妻與夫同體。從其夫降。妾不與君同體。各遂爲其子期。

女子子爲祖父母。傳曰。何以期也。不敢降其祖也。

此不杖期。前爲祖父母。則男女包舉矣。此復舉爲女子子。有適人者。也不言適人。何也。嫌異于在室者也。專言女子子。明適人在室同也。祖至尊也。以適人降。

則大功與昆弟等。昆弟可降。祖不可降也。然則父母何以降。父母降與祖同。猶可。祖降與昆弟同。不可。大夫之子爲世父母叔父母。子。昆弟。昆弟之子。姑姊妹女子子。子。無主者。子。爲大夫命婦者。子。唯子不報。傳曰。大夫者。其男子之爲大夫者也。命婦者。其婦人之爲大夫妻者也。無主者。命婦之無祭主者也。何以言唯子不報也。女子子適人者。爲其父母期。故言不報也。言其餘皆報也。何以期也。父之所不降。子亦不敢降也。大夫曷爲不降命婦也。夫尊於朝。妻貴於室矣。

此不杖期也。大夫之子厭于父。凡旁期以下。不得自

遂。父所降。子不得不降。至于父所不降。子安敢降也。  
世父也。叔父也。世叔父之子也。兄也。弟也。兄弟之子  
也。六者皆言男子之爲大夫者也。世母也。叔母也。姑  
也。姊也。妹也。女子子也。六者皆言婦人之爲命婦與  
無後者也。大夫于旁期降。于此有加無降。故大夫子  
亦皆爲期。然則何不直言大夫言大夫子。蓋子之世  
叔父亦卽父之昆弟也。其世叔父之子亦卽父之昆  
弟子也。其昆弟卽父之衆子也。其姑卽父之姊妹也。  
其姊妹卽父之女子子也。其倫同其爲服可互見也。  
禮爲世叔父母昆弟昆弟子皆期。大夫降爲大功。而

死者皆大夫貴敵則皆從期其世叔父母之子已謂從兄弟大功常也在父謂昆弟之子以彼爲大夫父旣爲期矣子之昆弟子貴者不降又可降父之昆弟子貴者乎故亦爲期父爲衆子期已昆弟卽父衆子以彼其貴父且不降子兄弟貴同者又可降乎此傳所謂男子之爲大夫父所不降子亦不敢降也其婦人之爲命婦者世母叔母見前父之姊妹曰姑女兄曰姊妹弟曰妹與已所生女子子四婦者適人死爲大功常也大夫降爲小功以彼爲命婦貴敵則仍大功又以其無後加隆爲期大夫姑姊妹女子如此大

夫子于姑姊妹女子亦然此傳所謂婦人之爲大夫妻者父不降子亦不敢降也無祭主謂無親生子凡服人而人以其服反服之曰報世叔父母與子昆弟昆弟子姑姊妹皆以此服報之爵同親同無後同則其當降不降加等同也惟女子旣適人者于父母不杖期定禮不論貴賤有後無後不在報例

按此章鄭解全未曉暢又謂男女同不報尤非也大夫爲祖父母適孫爲士者傳曰何以期也大夫不敢降其祖與適也

此不杖期也爲祖父母與適孫期常禮也大夫于期



降況祖父母適孫賤爲士降不可乎蓋祖至尊也適至重也雖大夫不敢以貴降所降惟旁期分卑情輕者而已

公妻以及士妻爲其父母傳曰何以期也妻不得體君得爲其父母遂也

此不杖期與前章妻爲子期義同舉國君及士見凡爲妾者皆得爲父母期也女子子適人者爲父母期前已列此疑妾爲夫與適壓不得遂者言

按鄭謂父母期雖女君不得降以傳體君之說爲誤非也傳未嘗謂女君可降其父母也謂妾之父母君

同凡人妾自爲重服違君自遂似乎不可耳今以國君之貴尚不厭妾此父母之喪所以爲重傳安得誤鄭之紕繆如此其引春秋紀季姜義皆後儒強作春秋未可如此讀千古鐵障無人斷破

疏衰裳齊牡麻經無受者

此齊衰三月之制蓋齊衰之義服也親不足而尊有餘故爲三月齊衰處之不言冠帶屨與不杖同也不言三月言無受三月可知也禮三月旣葬以初喪冠布易故衰曰受受接也義服稍輕三月卽除故無受○按疏衰重于大功大功九月而疏衰反三月何也

重其衰所以隆尊也。減其日月以殺恩也。疏衰三月者分尊恩輕大功九月者分卑而恩重也。

寄公爲所寓。傳曰寄公者何也。失地之君也。何以爲所寓。服齊衰三月也。言與民同也。

此以下爲齊衰三月之人。寄公諸侯失其國而寄寓他國。所寄寓之國君死則爲之齊衰三月。首舉寄公。明此服義重也。與民同謂居此國卽與此國民同。民爲君服齊衰三月。雖寄公不易也。

按寄公爲所寓之君服齊衰亦衰世之禮。先王盛世何得有寄公。

丈夫婦人爲宗子宗子之母句妻傳曰何以服齊衰三月也尊祖也尊祖故敬宗敬宗者尊祖之義也宗子之母在則不爲宗子之妻服也

此齊衰三月也丈夫謂族人男子與大宗絕屬者婦人謂族人絕屬者之妻與女子子之在室者宗子謂繼始祖大宗祖之正體也尊祖則敬宗服宗子之母與妻敬宗子也宗子母在宗廟之內政母猶主之故不爲其妻服

爲舊君句君之母妻句傳曰爲舊君者孰謂也仕焉而已者也何以服齊衰三月也言與民同也君之母妻

則小君也

此齊衰三月也。舊君舊嘗仕于其國，非故家世官也。偶見用而遂去之，恩輕誼薄，如中下士庶人在官，輩與民未遠，今不仕，與民同服。君之母，謂民爲本國君之母，夫人服也。君之妻，謂民爲本國君夫人服也。國人皆稱小君與君同尊，故皆爲齊衰三月，非謂舊仕者也。

按鄭謂爲小君服，恩深于民，是以母妻之服指仕焉而已者，非也。

庶人爲國君

此齊衰三月也。鄭氏曰：不言民言庶人，庶人或有在官者，是也。義與上章互見。

大夫在外，其妻長子爲舊國君。傳曰：何以服齊衰三月也？妻言與民同也。長子言未去也。

此齊衰三月。大夫奔他國，攜其妻子去。妻嘗爲命婦，去則與國人同。其宗族在舊國，其長子或不去，則與民同。去則無服。

按鄭謂古者大夫不外娶，婦人歸宗，往來猶民。鑒說也。所引春秋傳非經義。先王封建，小者不過五十里。若大夫皆限境內婚，同姓又不通，則女亦不足矣。

繼父不同居者

此齊衰三月。繼父同居。解見前。不同居。謂繼父續生子。使其妻前夫之子別居。昔嘗同居。恩深。故爲齊衰三月。

曾祖父母。傳曰。何以齊衰三月也。小功者。兄弟之服也。不敢以兄弟之服。服至尊也。

此齊衰三月也。五服論布。斬衰三升。齊衰四升。總衰四升半。大功八升九升。小功總麻十升十一升。其總衰。惟諸侯之大夫爲天子服。餘五服。父斬。母齊。祖大功。曾祖小功。高祖總麻。此常數應爾。然大功從兄弟。

之服也。故不以服祖而以齊衰期年。小功尤從祖兄弟之服也。豈可以服其曾祖乎。故爲之齊衰三月。此謂不敢以兄弟之服服至尊也。然則高祖又可以總麻之服服乎。亦齊衰可知。本文不及高祖。世太遠。身以上鮮有及者。兼子以下。則曾祖包舉矣。

按齊衰三月。專爲尊者之義服。功爲兄弟之服。總爲外親之服。大較似此。

大夫爲宗子。傳曰。何以服齊衰三月也。大夫不敢降其宗也。

此齊衰三月。前言丈夫婦人爲宗子。此又言大夫疑



大夫貴可降耳。大夫不降，則宗子重可知。

舊君傳曰：大夫爲舊君，何以服齊衰三月也？大夫去君，歸其宗廟，故服齊衰三月也。言與民同也。何大夫之謂乎？言其以道去君，而猶未絕也。

此齊衰三月也。前言舊君，謂嘗仕焉而已者。此則仕而貴爲大夫者也。歸其宗廟，謂故家世族，誼無可絕，以禮致仕，非奔放之比。前舊君服，言與民同者，無官削籍，本與民同。此與民同者，致臣而去，退自處于編氓者也。故傳設言何大夫以明之。

曾祖父母爲士者，句如衆人傳曰：何以齊衰三月也？大

夫不敢降其祖也

此齊衰三月承上大夫言大夫曾祖父母爲士大夫服之如衆人齊衰三月不敢降也

女子子嫁者未嫁者爲曾祖父母傳曰嫁者其嫁於大夫者也未嫁者其成人而未嫁者也何以服齊衰三月不敢降其祖也

此齊衰三月前言爲曾祖父母則女子在其中矣此疑旣嫁與未嫁異特舉之傳知爲大夫妻者承上大夫言惟大夫妻有降服未嫁不降人知之已嫁不降人不知成人乃備禮故曰其成人未嫁者也

按女子嫁者爲其父母降一等不降其祖與曾祖何也尊服自期以上惟齊衰三月耳大功以下服至尊者不用故傳曰不敢以兄弟之服服至尊父母三年可降爲期祖之齊衰期降則大功曾祖之齊衰三月降則無服故齊衰三月者古人濟尊服之窮而通其變不可以復降也故居尊服終

大功布衰裳牡麻經無受者

此降服大功之制皆本服斬齊以未成人殤死而降在此者禮殺情切哀重于大功故次齊衰居正大功先其布縗功麤故曰大功不言冠帶屨與疏衰同不

言月數或七或九其各條無受者七月九月卽本衰  
經終限不以旣葬易輕服情重也

子。句女子子。句之長殤中殤傳曰何以大功也未成人  
也何以無受也喪成人者其文緦厚喪未成人者其文  
不緦故殤之經不緦絞垂蓋未成人也年十九至十六  
爲長殤十五至十二爲中殤十一至八歲爲下殤不滿  
八歲以下爲無服之殤無服之殤以日易月以日易月  
之殤殤而無服故子生三月則父名之死則哭之未名  
則不哭也

此以下皆爲殤服大功之人殤傷也夭死曰殤首子

女殤多子女也。父母爲男女期。童幼未可齊衰。故降服大功。男女二十冠笄始成人。未二十死皆殤。而父母于子最切。故殤服先子女。繁文曰緦。旣葬易衰受冠。乃所謂緦文也。情直禮簡。故無受。穆作絞。猶校庠作膠庠。言不絞其帶。麻之垂者。大功以上小斂襲經散帶。成服後絞。小功以下初卽絞。殤麻雖成服不絞。未成人禮簡。亦不受之類。無服之殤。傷之而已。不爲之服也。以日易月。應服七月者哀傷不過七日。應服九月者哀傷不過九日。如不飲酒不作樂之類。子生三月命名。以上殤則哭不及三月。殤亦不哭。

按小斂帶散麻以始死哀甚也故成服後卽絞殯麻終不絞不尤甚于斬齊邪此禮似未協以日易月鄭謂生一月者哭一日尤非也有如八歲殯當百日哭邪

叔父之長殯中殯姑姊妹之長殯中殯昆弟之長殯中殯夫之昆弟之子女子子之長殯中殯適孫之長殯中殯大夫之庶子爲適昆弟之長殯中殯公爲適子之長殯中殯大夫爲適子之長殯中殯其長殯皆九月纓經其中殯七月不纓經

此殯大功也叔父姑姊妹昆弟夫之昆弟之子女子

適孫大夫庶子爲適昆弟以上七者若成人皆齊衰期君之適子大夫之適子若成人繼體皆斬衰三年今殤皆降爲大功君大夫特言適子者諸侯于庶子絕無服大夫于庶子降一等惟適重長殤九月中殤七月不言下殤降在小功也成人大功首經不屬皆有纓結項後中殤大功七月首經如環無纓殺也按尊屬之殤止于叔父姑自世父以上長于父則無殤父母雖殤不在殤服之等其爲斬齊猶之成人也有如十八之父母死爲長殤四五歲之孤兒九月服卽除可乎古者男女年十二以上皆可冠笄苟男已

冠娶女已笄嫁雖殤猶成人也喪服小記云丈夫冠而不爲殤婦人笄而不爲殤爲後者各以其服服故魯人不殤童子汪錡變通在時凡禮皆然

大功布衰裳牡麻經纓布帶三月受以小功衰卽葛九月者傳曰大功布九升小功布十一升

此正服大功之制爲成人也情微輕故次殤經首要經纓首經亦如要經不屬以纓結于項後大功以上皆然獨于此言者以別于前中殤七月不纓經者也布帶以布爲大帶五服同詳前三月旣葬之月以小功布爲衰易始死所服大功衰也大功之冠小功之



衰接其冠布以爲衰曰受卽就也去故就新曰卽去故麻帶就新葛帶禮旣葬帶絞葛易麻卽葛九月謂以葛帶終九月之期也者指下各爲服之人

按雜記喪冠條屬謂冠武連屬不缺則不用纓士冠禮緇布冠缺項青組纓屬于缺不屬故以纓結之喪冠無缺別于吉也而首要經皆不屬首經有纓大功以上同惟小功以下首經屬不用纓所謂環經也今世五服首經皆屬非古也鄭註未曉

姑姊妹女子子適人者傳曰何以大功也出也

此以下皆爲正服大功之人姑姊妹女四者已嫁死

皆大功在室皆期可知故不杖期條不及凡不及者  
倣此

從父昆弟句爲人後者爲其昆弟句傳曰何以大功也  
爲人後者降其昆弟也

此大功也從父昆弟謂世叔父之子于已爲從昆弟  
昆弟以同父爲正雖同父而身出繼宗人則親昆弟  
猶從也故其服與從同傳釋爲人後者言苟非爲人  
後則親昆弟期然則昆弟爲爲人後者服同可知  
庶孫

此大功也庶孫謂衆孫異于無父繼祖之適孫也孫

于祖皆期祖于孫皆大功尊卑之殊也

適敵婦傳曰何以太功也不降其適也

此大功也適婦適子婦子爲父後故父爲其婦大功雖大夫不降適也

女子子適人者爲衆昆弟

此大功也衆昆弟非適也女子未適人爲衆昆弟期若父沒昆弟爲父後者雖已適人亦期

姪句丈夫婦人句報句傳曰姪者何也謂吾姑者吾謂之姪

此大功也兄弟之子曰姪男女之通稱丈夫婦人皆

謂姪也。姑爲姪男女大功。姪男女爲其姑適人者亦報以大功。

夫之祖父母、世父母、叔父母，傳曰：何以大功也？從服也。夫之昆弟，何以無服也？其夫屬乎父道者，妻皆母道也。其夫屬乎子道者，妻皆婦道也。謂弟之妻婦者，是嫂也。亦可謂之母乎？故名者，人治之大者也可無愼乎？

此大功也。夫之祖父母、伯叔父母，夫爲服期，則妻從夫服，降一等爲大功。傳言從服者，明婦人無常秩，所從尊亦尊，所從卑亦卑，分尊者從以體夫也，故爲夫之祖父母、伯叔父母大功，分敵者無從以遠別也，故

于夫之昆弟無服嫁于父則爲母嫁于子則爲婦婦人所以嫌疑無常也兄妻非母弟妻非婦服兄弟之妻者無名服夫之昆弟者又何名乎

按檀弓云叔嫂之無服也推而遠之娣姒則相爲服古人欲緣是遠男女之別然男女相爲從服者多矣何獨叔嫂不然同居之戚死而不爲服安在昆弟之爲四體也今禮叔嫂相爲小功近之

大夫爲世父母叔父母子昆弟昆弟之子句爲士者句傳曰何以大功也尊不同也尊同則得服其親服

此大功也世父母以下五者本皆期服大夫以貴皆

降一等子庶子也爲士者謂世父以下皆爲士士卑故大夫不爲盡服如皆大夫各以所親服期

公之庶昆弟大夫之庶子爲母妻昆弟傳曰何以大功也先君餘尊之所厭不得過大功也大夫之庶子則從乎大夫而降也父之所不降子亦不敢降也皆爲其從父昆弟之爲大夫者

此大功也諸侯之庶昆弟是先公之庶子爲大夫者與大夫之庶子此二人于所生母與其妻及其同母庶昆弟皆降期爲大功公庶昆弟之降也以其父爲諸侯之餘尊壓之不得自遂也大夫之庶子以大夫

之期皆降故從之也苟父之所不降如世叔父與昆弟彼此皆大夫則皆大功貴同也如從父昆弟爲士則降爲小功矣

按鄭氏以皆爲其從父昆弟之爲大夫者別爲一章非也

爲夫之昆弟之婦人子適人者

此大功也婦人子適人者卽齊衰三月繼父妻之子也此爲之服者卽前夫之昆弟婦所謂娣姒而夫死寡居者也其夫之昆弟死其妻穉子幼與其子適人死則先伯叔母爲大功禮世叔母于夫昆弟之子不

杖期今從其母再嫁降爲大功繼父傳云子無大功之親此其有齊期之親者而亦從母適人故降也

按鄭謂婦人子爲女子子若是則出嫁之姪女齊衰期言昆弟子不杖期言夫之昆弟子則該女子子言期則該出嫁大功不應于此復言昆弟之女子子也言則當直据其夫不宜言爲夫不言女子言婦人義甚明或曰何不舉夫之世父叔父必舉昆弟曰若是于婦人子爲從叔嫂不相爲服故獨舉昆弟也

大夫之妾爲君之庶子女子子嫁者未嫁者爲世父母叔父母姑姊妹傳曰嫁者其嫁於大夫者也未嫁者成



人而未嫁者也何以大功也妾爲君之黨服得與女君同下言爲世父母叔父母姑姊妹者謂妾自服其私親也

此大功也君猶主也妾謂夫爲君謂嫡爲女君庶子女子子皆夫君之血屬不言長子長子三年大夫不降適也必言君明非妾親生子也大夫女嫁于大夫爲大功不降未嫁無屬降期爲大功君之黨卽大夫庶子與女子女君同大夫服妾同女君服也世父母以下妾私親皆大功如常妾不體君得自遂也

按此節文義甚明鄭謂有錯簡非也彼以大夫之妾

爲君庶子別爲一條安得不疑爲錯簡乎鄭以傳爲不足信世儒纂禮欲併傳棄之鄭始作俑矣

大夫大夫之妻大夫之子公之昆弟爲姑姊妹女子子嫁於大夫者君爲姑姊妹女子子嫁於國君者傳曰何以大功也尊同也尊同則得服其親服諸侯之子稱公子公子不得稱先君公子之子稱公孫公孫不得祖諸侯此自卑別於尊者也若公子之子孫有封爲國君者則世世祖是人也不祖公子此自卑別於卑者也是故始封之君不臣諸父昆弟封君之子不臣諸父而臣昆弟封君之孫盡臣諸父昆弟故君之所爲服子亦不敢

不服也。君之所不服，子亦不敢服也。

此大功也。自大夫以下四等，皆以貴得降其所親。姑姊妹女，既嫁者大功。宜降，然嫁于大夫，則貴敵仍大功也。君諸侯尤貴，姑姊妹女嫁，宜無服。然嫁于諸侯，則貴敵仍大功也。皆尊同故耳。諸侯之子下，因以尊降親之義推廣言之。見尊尊親親，並行不悖也。諸侯之公子，亦庶子之爲大夫者。父廟曰禰，祖是人，謂子孫以始受封者爲始祖也。卑別于尊，尊別于卑。此見尊尊之爲大也。始封不臣諸父兄弟，再世不臣諸父。此見親親之爲大也。封君之孫以下，明尊親相爲輕。

重而服之升降所以生也

總歲衰裳牡麻經既葬除之者傳曰總衰者何以小功之總也

此總衰之制布細而稀者曰總卽小功布升數較少故居小功先專爲諸侯之大夫服天子設也纁細其情輕也數少其分尊也天子七月而葬此服既葬卽除故居九月下五月上不言冠帶屨與大功同

諸侯之大夫爲天子傳曰何以總衰也諸侯之大夫以時接見乎天子

此爲總衰服之人諸侯之大夫下大夫以上皆是天

子喪而諸侯之大夫往會。旣不可以陪臣服斬。又不  
可以無服入見。故爲之總衰。以時謂未葬七月內。接  
見天子。謂如京師士庶人皆不得服。

小功布衰裳。澡早麻帶經五月者。

此降服小功之制。本皆期以下。因殤降情重。故居正  
小功。先小功布。布功細于大功也。澡麻。洗治其麻。帶  
經。要經。明非首經。麻用洗治。輕也。易服者。易輕者。男  
子重首。經與大功麻同。而要經稍輕。須洗治也。五月  
小功之限。不言無受可知。以澡麻帶終五月之期。旣  
葬。不易葛。所以重于正小功。

按五服皆梟麻絞帶與首經同至小功以下絞帶愈細麻纓連本者不可用乃加澡漚既澡則絕本可知惟下殤小功以期親降麻雖澡不絕本帶麻不絕首經可知下殤不絕中長殤可知殤小功不絕大功以上可知惟小功麻澡大功以上不澡可知

叔父之下殤適孫之下殤昆弟之下殤大夫庶子爲適昆弟之下殤爲姑姊妹女子子之下殤爲人後者爲其昆弟從父昆弟之長殤傳曰問者曰中殤何以不見也大功之殤中從上小功之殤中從下

此以下皆爲服殤小功之人叔父至女子子成人皆

期下殤皆降在小功。爲人後者爲其親昆弟從父昆  
弟成人皆大功。下殤亦降在小功。獨言下殤中長其  
在大功。傳問中殤何以不見者。殤有長中下三等。功  
服惟大小二等。故傳以情輕重變通于上下之間。大  
功小功。謂殤服降在大功者情重。寧以中從上。降在  
小功者情輕。則以中從下可也。叔父以下中殤在大  
功。而此又云中殤從下。然則中殤十二三以下者從  
小功亦可耳。

按三殤之等分疏煩瑣。故傳融會其旨。此章以殤服  
權其中。總麻章又以成人服權其重。此言大小功總

麻亦可推矣。蓋以小功律大功，則小功之中殤從下。如以總麻律小功，則小功之中殤又從上，以大功律齊衰，則大功之中殤又從下。情重者升，情輕者降，意自通融，而鄭註固執作解，所謂惟昵之類，不能方者，其鄭康成之于禮乎？

爲夫之叔父之長殤，昆弟之子，女子子，夫之昆弟之子，女子子之下殤，爲姪庶孫，丈夫婦人之長殤，大夫公之昆弟，大夫之子，爲其昆弟庶子，姑姊妹女子子之長殤，大夫之妻，爲庶子之長殤。

此殤小功也。夫之叔父成人，則大功。今長殤則小功。



世叔父母爲姪男女成人皆齊期長中殤則皆大功  
今下殤則小功姑爲姪男女祖爲庶孫男女成人則  
皆大功今長殤則皆小功大夫與君之庶昆弟爲大  
夫者與大夫之適庶子此三貴人各爲其昆弟與庶  
子與姑姊妹女子子七等成人本皆大功今皆長殤  
降爲小功凡殤無大夫故大夫于殤無敵貴皆降也  
大夫之妻爲庶子卽大功章云妻爲君之庶子大功  
者彼成人也此長殤降爲小功

小功布衰裳牡麻經卽葛五月者

此正服小功之制爲成人服輕于殤故次之牡麻洗

治之牡麻不言澡同也。經兼首喪不言冠纓屨同也。卽就也。葛謂三月旣葬以葛帶易澡麻帶所以異于降服小功也。衰不變而帶變以故衰就葛帶終五月之期。

從祖祖父母。句從祖父母。句報。句從祖昆弟。句從父姊妹。句孫適人者。句爲人後者爲其姊妹適人者。

此以下皆爲正小功服之人。從祖祖父母者。曾祖之子。祖之親兄弟也。從祖父母者。從祖父之子。父之從父昆弟也。皆爲之小功。從祖祖父母與從祖父母亦以小功反服曰報從祖。昆弟者。父之從父昆弟之子。

卽已之再從兄弟亦爲小功。從父姊妹者父昆弟之女不論在室適人皆小功。孫適人者子之女已嫁者小功。在室則大功。爲人後者出繼宗人爲其姊妹適人者小功。在室則大功。如非爲人後則在室姊妹期。爲外祖父母傳曰何以小功也以尊加也。從母丈夫婦人報傳曰何以小功也以名加也。外親之服皆緦也。此小功也。外祖父母者母之父母大畧同姓之服終于小功。異姓之服始于緦麻。外祖得爲小功以母之所尊加厚也。從母母之姊妹丈夫婦人謂母與姊妹所生男女母之男女以此服從母。從母亦以此服報。

之從母之男女以此服母母亦以此服報之以名謂  
既名其爲母則不得以外親服服故加總麻爲小功  
也外親之服謂本非骨肉而恩誼相聯特爲總麻處  
之故總麻三月以厚外親亦猶齊衰三月以隆內尊  
也總麻以聯其疎齊衰以殊其卑皆止于三月酌天  
時通其變也

夫之姑姊妹娣姒婦報傳曰娣姒婦者弟長也何以小  
功也以爲相與居室中則生小功之親焉

此小功也夫之姑是舅之姊妹姊妹謂夫之姊妹娣  
姒者兄弟之妻相謂也次適曰娣似妣曰姒以娣自

謂以姒謂彼妯娌之通稱。猶男子同輩呼彼曰兄。自稱曰弟也。傳以弟長釋之言。自弟而長彼也。生小功之親。言本非親。因同室相親。爲小功也。

按鄭謂娣姒婦爲兄弟之妻。相名是也。謂長婦稱娣。婦爲娣婦。娣婦稱長婦爲姒婦。失之。

大夫句大夫之子句公之昆弟句爲從父昆弟句庶孫句姑姊妹女子子適士者句大夫之妻句爲庶子適人者句庶婦

此小功也。從父昆弟。庶孫。本皆大功。以尊降一等爲小功。姑姊妹女子子。本皆期。以適人降一等。又適士

降二等爲小功。大夫之妾爲庶子。適人者爲大夫之庶女子。適士者也。在室則大功。適大夫亦大功。今適士。小功。所謂從女。君服君之黨是也。庶婦爲舅姑期。舅姑再降爲小功者。爲其殊于適婦也。

君母之父母。句從母。傳曰。何以小功也。君母在則不敢不從服。君母不在則不服。

此小功也。妻子稱適母曰君母。君母之父母。適子之外祖父母也。從母。君母之姊妹也。妻子于二人情本不相屬。特以君母故不敢不從服。若君母不在。無服。○按服爲哀節。戚爲喪本。服由情生。貌以飾情。仁人

之于喪非以不敢不服服也欲服而不敢服則有之  
不欲服而不敢不服則幾乎偷矣君母在不敢不服  
斯禮也雖聖人無如之何聖人于禮人情耳人情所  
不敢聖人因之尊尊親親所以不得不相爲用也  
君子子爲庶母慈已者傳曰君子子者貴人之子也爲  
庶母何以小功也以慈已加也

此小功也君子謂君與女君所生子是大夫公子適  
妻之子重言子明異于士庶人與妾子之爲子也庶  
母父衆妾慈已謂非慈母而有慈養之恩者然無父  
命爲母子之義故與慈母殊慈母如母庶母總麻貴

人降則絕此慈已者分不及慈母而情厚于庶母故  
不從降例爲之服小功禮記曾子問疑慈母無服蓋  
誤以此母爲慈母如母者耳

總麻三月者傳曰總者十五升抽其半有事其縷無事  
其布曰總

此總麻服之制總絲通布縷細如絲以爲袞裳麻爲  
經曰總麻三月而除服最輕者十五升朝服布千二  
百縷也抽除其半六百縷也有事謂澡治其縷後織  
使滑易也無事其布謂成布則不治也

族曾祖父母族祖父母族父母族昆弟○庶孫之婦庶



孫之中殤○從祖姑姊妹適人者句報句○從祖父從  
祖昆弟之長殤○外孫○從父昆弟姪之下殤○夫之  
叔父之中殤下殤○從母之長殤句報

此以下總麻三月之人族曾祖父母者曾祖之親昆  
弟也族祖父母者族曾祖父之子祖父母之從父昆  
弟也族父母者族祖父母之子父之從祖昆弟也族  
昆弟者族父母之子已之三從兄弟也皆親盡無服  
而骨肉相屬故以族名族屬也大傳云四世而總服  
之窮也此所謂四總麻者也庶孫之婦與適孫婦殊  
爲之總則適孫婦小功可知庶孫成人大功長殤小

功今中殤則總從祖姑是從祖祖父之女父之從姊妹也從祖姊妹是從祖之孫女已之再從姊妹也本皆小功爲出適降一等則總彼亦皆以總反服曰報從祖父者從祖祖父之子父之從父昆弟已之再從世叔父也從祖昆弟已之再從兄弟也二者本皆小功長殤各降一等則總女適人生子曰外孫外祖爲之總從父昆弟本大功長殤小功下殤則總出適之姑爲姪大功長中殤小功下殤則總夫之叔父本大功長殤小功中下殤則總從母母之姊妹本小功長殤則總從母之服之也亦然

庶子爲父後者爲其母傳曰何以總也傳曰與尊者爲一體不敢服其私親也然則何以服總也有死於宮中者則爲之三月不舉祭因是以服總也

此總麻也庶子妾生子父沒無適子而庶子繼體者不得爲所生母盡服服總耳傳疑太輕引古傳以明正體之義已母非正體是已私親故不敢盡服然臣僕死于宮尚爲哀戚廢祭祀而況所生乎是以爲總○按嫡庶之分嚴已然子以母貴理亦至公豈得謂爲私親制禮者主尊適而于人情亦甚闕矣宮中有死者非所以況于生我也世儒動引春秋附會春秋

未嘗輕絕人母子。後儒鑿說耳。

士爲庶母傳曰。何以總也。以名服也。大夫以上爲庶母無服。

此總麻也。庶母謂父衆妾以名。以母之名。大夫以上分算。故庶母之服降而絕。惟士爲總。

貴臣貴妾傳曰。何以總也。以其貴也。

此總麻也。貴臣貴妾。凡臣妾受顧託者。家國皆有之。乳母傳曰。何以總也。以名服也。

此總麻也。乳母哺乳之母。外人婦代食子者。內則云。大夫之子。有食母之類。非其所生子。亦非其父妾本。

不名母而以乳得名。本無服而以名得服。

從祖昆弟之子。句曾孫。句父之姑。

此總麻也。從祖兄弟之子。是再從兄弟所生子。謂已爲族父母者也。曾孫于曾祖。以服次論。子期。孫宜大功。曾孫宜小功。而爲總者。曾孫于曾祖。齊衰三月。曾祖爲之小功。是反五月矣。故不可。父之姑。祖之姊妹。視父爲姪。視已爲歸孫。歸孫爲父之姑。亦總。

從母昆弟。傳曰。何以總也。以名服也。

此總麻也。從母昆弟。是母姊妹之子。本非昆弟。以從母得昆弟名。故爲之總。

甥傳曰甥者何也謂吾舅者吾謂之甥何以總也報之也

此總麻也姊妹之子曰甥母之昆弟曰舅舅甥相為總故曰報之

按母之姊妹與兄弟同也從母小功而舅總麻者從母近母以名加也

婿傳曰何以總也報之也

此總麻也女父母為婿總婿于女父母亦總妻之父母傳曰何以總從服也

此總麻也妻為其父母期夫從其妻降三等凡妻從

夫服降一等。子從父降二等。夫從妻降三等。

姑之子。傳曰。何以總報之也。

此總麻也。姑之子。父黨也。是爲外兄弟。相爲總。

舅之子。傳曰。何以總從服也。

此總麻也。母舅之子。母黨也。是爲內兄弟。從從母服也。母于昆弟之子大功。子從以總。

夫之姑姊妹之長殤。○夫之諸祖父母。報。

此總麻也。夫之姑姊妹成人。則小功。長殤則總。夫之諸祖父母。謂夫從祖祖父母。與從祖父母。夫有小功服者。妻降爲總。諸祖父母亦以總反服之。

君母之昆弟傳曰何以總從服也

此總麻也君母適母妻子爲適母之昆弟總從適母也

從父昆弟之子之長殤昆弟之孫之長殤○爲夫之從父昆弟之妻傳曰何以總也以爲相與同室則生總之親焉

此總麻也從父昆弟之子與親昆弟之孫成人皆小功今長殤皆總夫之從父昆弟之妻是同堂娣姒也降于親娣姒一等亦總親娣姒稱同居從娣姒稱同室親疎之差也



長殤中殤降一等。下殤降二等。齊衰之殤中從上。大功之殤中從下。

此因上言殤服而總明三殤輕重相權之等。亦猶殤小功第二節云上下從之義。長中殤稍尊。各視成人服降一等。下殤尤卑。降成人服二等。長中併降一等者。卽中從上。寧厚之意。下殤降二等者。降于長。又降于中。依常法也。齊衰之殤。謂成人服本齊衰爲殤降者。雖中殤亦從上殤服。所謂降一等也。大功比齊衰稍輕。以中從下可也。不言小功。總麻輕重損益視此。可知此殤服之大凡也。

按鄭謂此妻爲夫之親殤服。豈獨夫之親有殤耳。  
記○公子爲其母練冠麻。麻衣縗緣爲其妻縗冠葛經。  
帶麻衣縗緣皆旣葬除之。傳曰。何以不在五服之中也。  
君之所不服。子亦不敢服也。君之所爲服。子亦不敢不  
服也。

此以下至末。雜記前禮之未備。公子謂諸侯妾生子。  
爲其母爲所生母。練冠三年小祥之冠。以練熟布爲  
之麻。謂以麻爲首要經。麻衣謂以總麻布爲深衣。縗。  
淺絳色。丹一入爲縗。緣衣領袖諸侯妾之子。壓于所  
尊。于所生母不得自伸。爲此服以變于吉也。爲其妻。

以淺絳帛爲冠。變于緇玄冠也。絞葛爲首要。經輕于麻也。亦以壓于所尊。不得爲妻遂也。傳言此練冠。練冠等不在斬齊功。總五服之內。蓋妻與庶婦。諸侯絕無服。公子不敢服。爲此濟五服之窮。非常禮也。

大夫公之昆弟。大夫之子。於兄弟降一等。爲人後者。於兄弟降一等。報於所爲後之兄弟之子。句若子。句兄弟皆在他邦。加一等。不及知父母。句與兄弟居。加一等。傳曰。何如。則可謂之兄弟。傳曰。小功以下爲兄弟。

前言昆弟。至此言兄弟者。昆同也。同父母者也。兄。況也。增長之名。親曰昆弟。族曰兄弟。婚姻異姓。亦稱兄。

弟鄭云兄弟猶言族親是也此條所降之兄弟皆指再從小功以下族親大夫公昆弟以尊降大夫子以厭降小功兄弟降一等則總是以大夫無總服凡兄弟降皆於士也尊同則不降於士降則絕矣故大夫無總服爲人後謂出繼宗人則小功兄弟皆降一等其所降之兄弟亦如其降反之所爲後之兄弟謂已所後之父之衆兄弟也之子謂所爲後之父之衆子也於其衆兄弟事之如世叔父於其衆子待之如親昆弟若子卽如所後者之親生子也兄弟同在他邦加一等爲其死於外別無親屬也年幼喪父母依兄

弟同居加一等爲其有恩于已也此輩兄弟皆內外族親有緦小功服者或本無服而誼重者皆可爲服故傳申明爲兄弟者皆小功以下若大功以上在親者之限不必言加矣

朋友皆在他邦袒免歸則已○朋友麻

同門爲朋同志爲友袒哭將踊而露其左臂也免作纁免冠加布于首也袒衣必免冠先祖後免曰袒免朋友死于外已代主故袒免柩歸則止有主者矣麻麻經朋友不在五服內旣與其喪必爲加麻

君之所爲兄弟服室老降一等夫之所爲兄弟服妻降

一等

君謂公卿大夫有家臣者兄弟服謂小功兄弟之服皆旁親也室老貴臣近君一體畧示相從之意爲降一等服其餘有司不必服矣夫之重服則妻與同如疎屬小喪則妻降一等前于尊親大喪從服皆有等此括諸未備輕服言也

庶子爲後者爲其外祖父母句從母句舅句無服不爲後如邦人

庶子爲後者謂父無適子妾生子爲父後者總麻章云庶子爲父後者爲其母總故于其母之父母姊妹

兄弟無服蓋與所後者爲體不得復服其私親如不爲父後則君母之黨與已母之黨皆服如衆人邦人猶言衆人

宗子孤爲殤大功衰小功衰皆三月親則月算如邦人宗子大宗子族人所爲齊衰三月者也無父曰孤宗子父未死年老而傳子代主宗事十九以下死是不孤而殤者也族人不得以宗子殤爲服何也禮有適子則適孫與庶孫同有父在卽是宗子所殤者同于祖宗之適孫耳故不爲宗子殤服必其旣爲宗子父死子孤十九以下死者族人乃爲殤服長殤中殤大

功布衰下殤小功布衰皆三月除禮宗子成人死族人男女皆齊衰三月今從殤降爲功衰三月此疎屬無五服之親者也其在五服親內者各以所當服之月算初喪服齊衰三月後各以本服爲受月滿而后除之如衆人算服之常法也

改葬總○童子唯當室總傳曰不當室則無總服也改葬墳墓有大故遷改也將見其尸柩不可吉服又不可忽爲凶衰故總凡總多中表之親童子未當家未與三黨周旋故應無總唯父死當家之童子親族備禮則有之故傳以不當室反明之



凡妾爲私兄弟如邦人

凡妾通貴賤言私兄弟謂妾父母家諸親族如常人各以其等爲服蓋妻與夫同體故降其私親妾不體君得自伸也

大夫弔於命婦錫衰命婦弔於大夫亦錫衰傳曰錫者何也麻之有又錫者也錫者十五升抽其半無事其縗有事其布曰錫

弔於命婦與命婦弔皆弔其主人之妻也男女弔異而衰布同錫與總皆十五升抽其半而錫重於總錫易治也治其布使滑易也錫但易其布總先易其縗

錫之戚在內。總之戚在外。故周禮春官司服云。天子以錫服。內公卿以總服。外諸侯輕重之等也。麻之有錫。言麻布加易治也。有又通加也。抽除也。十五升。千二百縷也。除其半。六百縷也。事猶治也。有事無事。反總而言。有事其縷。無事其布。則總矣。曰錫。明所以異于總。

女子子適人者。爲其父母。婦爲舅姑。惡笄有首以壅。擗卒哭。子折笄首以笄。布總。傳曰。笄有首者。惡笄之有首也。惡笄者。櫛笄也。折笄首者。折吉笄之首也。吉笄者。象笄也。何以言子折笄首而不言婦終之也。

女子既嫁。父母死奔服。與婦爲舅姑同。惡猶凶也。笄簪也。首簪頭也。有首言不折也。惡笄短。不必折其首。凡吉笄長尺二寸。凶笄長尺。露髮曰髻。猶男子免以布覆髮曰總。猶男子冠。受布同。始死。盡去笄總。露髮成服。則惡笄布總。此女與婦同者也。既葬。虞卒哭。女子適人者歸夫家。則以吉笄。易凶笄。蓋笄不可更受。又不可純吉。用吉笄而去其首。此女與婦異者也。櫛笄。竹木簪。櫛。梳也。玉藻云。沐用櫛。櫛髮晞用象櫛。此櫛笄。謂笄同櫛。用竹木也。象笄。謂笄同櫛。用象骨也。周禮弁師云。天子諸侯笄簪皆玉。則大夫士以下用

信衣會解 卷十二 三  
象可知。女子言折筭首。婦不言者。婦以惡筭終喪。不用吉筭。故不言折。

妾爲女君。君之長子。惡筭有首。布總。

妾爲女君。不杖期。爲君之長子三年。筭總與上同。但不髻異耳。

凡衰外削幅。裳內削幅。幅三衻。衻若齊。裳內衰外負廣。出於適寸。適博四寸。出於衰。衰長六寸。博四寸。衣帶下尺。衽二尺。有五寸。袂屬幅。衣二尺。有二寸。祛尺二寸。

凶服上曰衰。摧也。削裁截也。幅布邊幅外內。謂削邊縫向外向內。凡裳前三幅。後四幅。每幅三衻。衻鉤也。

屈折曰衻。每幅疊三折。衰獨外削者。衰以摧爲義。裳以常爲義。衣貴裳賤。衣變裳不變也。齊緝其邊使齊。異于斬也。裳邊緝向內。衰邊緝向外。負以布一方。上聯衰領。後垂于背曰負。適謂衣領負廣出于領兩旁各一寸。領寬四寸。由項後出胸前。亦以布一方如負。聯領當心垂。其狀摧然曰衰。衰長六寸。寬四寸。成終數也。此衰所由名。凡喪服衣皆有衰。惟負獨斬齊有。論語云。凶服者式之。式負版者。卽此衣卽衰帶大帶。凡禮服吉凶皆有大帶。衣長出帶下尺。使不見裳要也。衽裳周圍連幅。長二尺又五寸。袂袖也。屬連也。幅

全幅不殺取其方衣二尺有二寸謂自領至帶下祛袖頭橫廣尺二寸

衰三升三升有半其冠六升以其冠爲受受冠七升齊衰四升其冠七升以其冠爲受受冠八升總衰四升有半其冠八升大功八升若九升小功十升若十一升

此畧言五服布縷麤細始終變易之等始言衰斬衰三升謂正斬衰父服三升有半義斬衰君服衰與冠皆初喪始成服之制受謂旣葬以冠布三升及三升半爲衰其冠又接齊衰冠之七升受猶接也齊總倣此大功以下皆以受言降大功衰七升正服八升冠

皆十升義服九升冠十一升降小功衰十升正服十一升義服十二升皆以卽葛及緦麻無受也大功不言受者見本章小功無受者五月服除諸侯五月而葬服除無可受也

按喪服雖止及太夫士而天子諸侯下至庶人皆可知士與庶人同禮大夫加于士則諸侯加于大夫天子加于諸侯皆可義推故儀禮十七篇大較備矣鄭謂天子諸侯禮亡然則後世天子諸侯何從受禮乎

儀禮節解卷十一終